

Obushwere N'Okushenda

Jeffersonville, Indiana, USA

Olkwakabiri 21, 1965

1 Ka twinikye emitwe yaitu ahabw'akaanya kakye tushabe. Tataitwe ow'embabazi nyingi munonga, Nitukusima akasheeshe aka ahabw'omugisha ogu ogw'okuba hanu omu kishengye eki kihango, tuhangire amaisho ekiraarugye omu kiro eki. Kwonka titurikumanya ekiri omu kiro eki, kureka nitumanya Ogwo Okwaitse eki kiro. N'ahabw'ekyo nitushaba ngu Ogwo Okwaitse ekiro eki n'ekya nyentsya, n'Obutahwaho bwona, naija kutuha omugisha eriizooba nk'oku tuteeraniire omu Iziina Rye, kugira ngu tubaase okukiraho kumanya oku tushemereire kubaho Kumuheereza. Eki nikyo ekigyendererwa kyaitu ekiijwire, Taata. Ruhanga, Iwe orikumanya emitima yaitu, noomanya ngu eki n'amazima. Nitukwehongyera, n'e-n'ekicweka ky'eriizooba ekitsigaireyo, Kukuheereza, omu Iziina rya Yesu Kristo. Amiina.

Mushutame. [Ow'eishe-emwe Branham yaagambira omuntu ori aha kituuti ati, "Hanu hariho ekindi." -Omur.]

2 Muraire gye, abateeraine abarikureebwa kandi n'abateeraine abatarikureebwa omu ihanga ryona ahi twine abahurikiize aha masimu akasheeshe aka. Eki nikimpa omugisha gw'amaani okwija hanu kandi n'okugamba aha ishomo eri rikuru munonga akasheeshe aka. Aha bateeraine abarikureebwa, buzima nikibuzabuza kakye, ahaw'okuba omu maisho gangye hariho entimbe, obwo nyine kugambira aha mukono gwa buryo n'aha gwa bumoshio. Kandi aha bateeraine abatarikureebwa, ekishengye kihango kiri aha mukono gwangye gwa buryo, kandi hamwe na gimunaziyamu aha mukono gwangye gwa bumoshio; kandi ndi ahi nyemereire, n'entimbe ziteirweho rwagati, niziza aha mukono gwangye gwa buryo n'ogwa bumoshio. Kandi twine emitwe y'abantu baingi, akasheeshe aka, omu kishengye kihango, hamwe na gimunaziyamu, kandi n'omu kanisa, omu kanisa ey'ahari Eighth na Penn Street. Kandi omu mitwe y'abantu baingi, enkora y'amasi mu neebutwara omu myanya endiijo.

3 Tutungire obwire bukuru omuri Mukama, kandi saaviisi y'akasheeshe aka tuginiire ekihika ky'amaani. Kandi hati ekiro ky'eriizooba ahabw'okuba obunaku bw'okuhendera egi hururu y'ebiro bina, ahabw'enki, buzima nituraarika buri omwe, orikubaasa, kwija hanu. Nitwesiga ngu Mukama naija kutuha okumariira kukuru munonga ekiro eki naakora ekintu ekitari ky'obutoosha buzima, okuhitsya obu Araatambire abarware boona kandi akore ebintu bikuru ebi akira Kukora. Kandi ogu mwebazyo tugwiniire ekihika ky'amaani. Abantu boona n'omuhimbo mwingi nimuraarikwa, buri omwe, buri kanisa eya buri kigombe ky'ediini. Nangwa tikirkwetaagisa ngu obe ori Omukristaayo; buzima nitweta abasiisi kutaahamu, kushutama naitwe. Kandi nitukora kyona eki turikubaasa kubeegyesa omuhanda gwa Mukama, ngu tubaase kubaho.

Hati nyine amatsiko ngu abateeraine tibaraije kujabiirira. Kandi niinyesiga Ruhanga ngu tindaajabiirire, ahakuba nyine ekiro kikuru, oburuhe bwingi. Ahakuba nimmanya ngu ebintu ebi ndaagambe akasheeshe aka ndyabyetonganaho aha Kiro ky'Orubanja, kandi ti-tinaabaasize kugwejegyera, kandi nimmanya ngu ku ndaabe ntibigambire ndyakibuuzeaha Kiro ky'Orubanja. N'ahabw'ekyo kigumire, torikubaasa kukishobo ororora.

4 Kandi hati akasheeshe aka n'eishomo eryo rikuru eri turaagambeho ery'Obushwere N'Okushenda. Kandi enshonga etumire naagikora Sande sikuulu, n'okugira ngu turigambeho kandi tutarahukiiriza, omu mwanya gw'okuribuuriraho. N'okwegyesa okuruga omu Byahandiikirwe.

Kandi ni-niinyenda kugamba ngu, omuheereza nari abaheereza, omu mwanya gwona, orutambi rw'amaraka oru ku rwakuragara omu ngaro zaabo, ku turaashohoze orutambi rw'amaraka oru. Tindikumanya eki ekanisa eraakoreho. Ninshaba Ow'eishe-emwe Fred kureeba akakiiko k'ekanisa atakashoize orutambi rw'amaraka oru. Kandi imwe mwena hoonahoona okwo omu ihanga, abaine ebyoma ebirikukwata amaraka aha ntambi, nyaabura 'mwe mutashohoza orutambi rw'amaraka oru kureka mwahurira okuruga aha W'eishe-emwe Sothmann ekirukwatsireho.

Hati, kandi ku ruraashohore, kandi weena omu b'eishe-emwe abaheereza bagyenzi bangye, nari Omukristaayo weena ahi ari hoona, owaakubaasa kuhakanisa ebintu ebi ndikugamba aha ishomo rinu, nyi-nyine amatsiko ngu torajie Kukikyema. Ku oraabe Otarikukyetyegyereza omu muringo ogu Ndikukyegyesamu, mpaho, ekyo okiineho obugabe, nk'omuheereza, nk'omuriisa. Kandi nimpa ekitiinisa ekintu kyona eki orikwikiriza.

5 Kandi hariho ebiteekateeko bibiri bikuru ahari eki. Kandi ku haraabe hariho ebibuzzo bibiri, hariho kimwe omuribyo ekirikuteekwa kuba kihikire, kitari ekyo byombi bigwire. N'ahabw'ekyo nituza kugyezaho kureeba omu Kigambo kya Ruhanga, akasheeshe aka, okutereeza eki. Ahariinye, ku kiraabe kiri ekibuzzo kya Baiburi, buzima Baiburi ekiiniire eky'okukigarukamu.

Kandi hati tutakatungire ebi, nimmanyisa, kutandika eishomo eri, ntakashabiire eki Kigambo, niinyenda kushaba buri omwe omuriimwe, ngu ni . . . kukira munonga imwe Abakristaayo, nti ninyetenga . . . Ni-niinyenda ngu munshabire akasheeshe aka. Kandi boona abatarikureebwa abateeraine abahurikiize akasheeshe aka, munshabire, ahabw'okuba niinyenda kuba omwesigwa kandi ow'amazima.

6 Hati nitumanya, omu kugamba ebigambo ebi, omuntu, yaaba ari omuntu omwe wenka, Naakiramati raho orikushusha oti shana Kiri rwagati y'amagara n'okufa. Hariho baingi omuriimwe hanu abaraije kuruga hanu nimwikiriza. Hataraho kubangaanisa, baingi omuriimwe, obundi, timuraije kwikiriza. Kwonka nimmanya, omu buheereza bwangye, hariho abantu abaija kumpurikiza, kandi kuhurikiza ebi nyine kugamba; okuruga, mpaho, bashutami hanu akasheeshe aka, omu mahanga, okuruga omu mahanga maingi ga Amerika, Canada, hamwe na

seeri y'amayanja. Kandi noobaasa kuteekateeka oburemeezi obu kirikukutamu, okumanya ngu omuheru Ogutahwaho gw'orugyendo rw'ogwo muntu guri omu ngaro zaawe, 'habw'okuba naaza kuramatira aha ki oraagambe. N'ahabw'ekyo Ruhanga naija kutuma naakibuuzibwa, kandi eki niinyenda kukitaahamu n'obwesigwa nk'oku ndikubaasa.

7 Hati ni-ninshaba ab'eishe-emwekaza bagyenzi baitu. Kandi naahindwire bimwe aha bigambo byangye kugira ngu mbaase kubigambira omu maisho gaabo. Billy aine omu nshaho ye, akasheeshe aka, aheeru kuri, ebintu bimwe ebitarikubaasa kugambirwa omu-omu rujwangye rw'abashaija n'abakazi abateeraniire hamwe. Kandi bimwe obundi ebi ndaagambe, mushemereire kwetegyereza. Mukitware nk'o-okuruga aha w'eishe-emwe mugyenzi waanyu, okuruga aha kumanya kwangye okurukirayo. Noobaasa kushutama omu ofisi ya dokita kandi omuhurikize, naakugambira ebigambo butsimba. Kandi bamwe omuriimwe empangare n'abatsigazi, tindikwenda ngu mutware ekiteekateeko ekigwire. Niinyenda mwikirize, kandi mushutame n'obucureezi. Mwijukye, Amazima nigateekwa kugambwa nk'Amazima.

Kandi, hati, tihariho kubangaanisa nihaija kubaho baingi omuriimwe abaraije kuhakanisa ebiraagambwe, kwonka niinyenda kukibahamiza na Baiburi. Kandi reero niinyikiriza, ku muraacureere n'okutiina Ruhanga kandi mukahurikiza, obwo nimwija kutunga okwetegyereza okurukiraho n'okukyenga aha ki ntwire nimpamisiriza, obwire bwona. Niinyikiriza eki nikija kukishoboorora, kandi niinyesiga nikija kukikora.

8 Hati nitubaasa kutwara obwire buraingwaho, eshaaha emwe n'ekicweka, nari shi okukiraho, ahari eki. Tindikumanya obwire obu kiraatware.

Kandi hati ogundi murundi, niinyenda kugamba ngu, omu bwire obu, ngu, nimmanya ngu abantu bahamira aha bigambo byawe; bahamiraho, aha muriisa waabo. Kandi, hatariho kubangaanisa, ntwire ndi omuriisa.

Kandi bahamira aha bigambo by'omuriisa, orikushusha oti shana kiri ahagati y'okufa n'okukira. Bahamira aha bigambo by'omusaserdooti waabo, nk'ekiri ahagati y'orufu n'amagara. Kandi hatariho okubangaanisa, ogwo muriisa, obundi n'okumanya kwe kwona oku arikumanya kukora, naayegyesa abantu be buzima nk'oku yaayegyesiibwe omuri seminario; tihariho kubangaanisa eki omunyamurwa, nawe, omu madiini agatarikushushana againe abanyamurwa. Buzima, omuriisa ni omunyamurwa; n'omutonganirizi. N'ahabw'ekyo, omusaserdooti, omuri byona ebi ayegyesibwa omuri, omuri seminario hamwe n'omu bigo by'abanyadiini, ogwo mushaija naagamba ahamize omu bwesigwa buzima nk'oku yaayegyesiibwe.

Mpaho, obwo, tinyine obumanyi bwona obwa seminario nari obumanyi bw'omu bigo by'abanyadiini, kandi tinkiineho nshonga yoona na kakye, kwonka nyine amagara agatari ga butoosha munonga.

9 Nkeetwa obu naabaire nkiri omwojo muto. Kandi omuri eki hakaba harimu akamanyiso akarikureebwa, ak'eiraka akampairwe, E-Enyomyo y'Omuriro erikureereeta omu rushaka, nyine emyaka mushanju, hanu honyini omuri Utica Pike. Taata akaba naakorera Omw. O. H. Wathen oherize kufa. Kandi mukashoma ekyo kitabo, nimumanya ebyabaireho. Kandi okuruga obwire obwo . . . Eifo aha mugyera obwo abantu Bakagireeba n'amaisho. Kandi hati Ekateerwa ekishushani kya kamera, emirundi mingi, kandi kihanikirwe omuri Washington, D.C., nk'eky'obushoborozi obwa nyinakyo, omuri Religious Hall of Art, nk'Ekintu ekirengire eby'obuhangwa kyonka ekirahamiiibwe omu buryo bwa saayansa kuba kyaratierwe ekishushani na kamera; niyo Nyomyo y'Omuriro emwe, buzima omu nshusha niyo emwe kandi omu muringo gwona, eyaihire Israeli omuri Misri. Niinyikiriza Ni Yesu Kristo omu nshusha y'Omwoyo, omu kuba Omwana kwa Ruhanga.

Ahakuba Akeetwa "Omwana w'Omuntu" obu Yaabanza kwija, hati Naayetwa "Omwana wa Ruhanga," omu Kutegyeka kwa Kristo kw'Emyaka Rukumi Aryaba "Omwana wa Daudi." Akaija Omwana w'Omuntu, nabi, nk'oku Kyamugambirweho; hati n'Omwana wa Ruhanga, omu buryo oburengire eby'obuhangwa; omu Kutegyeka kwa Kristo kw'Emyaka Rukumi okukuru okuryaija, aryaba Omwana wa Daudi, ashutami aha kitebe ky'obukama kya Daudi. Nk'oku abashomi ba Baiburi boona barikumanya ngu okwo n'okuragaanisa kwa Ruhanga, ahari Daudi, Aryaimutsya Omwana We kushutama aha kitebe kye ky'obukama.

10 Kandi hati omu buheereza bw'omutaano, obutari bw'obutoosha, nyetsirwe buri kintu okuruga ahari "Ruhanga" okuhika ahari "daimoni." Kandi ekyo, burijo nikwo kituura kityo.

Kandi ekyo nikyo acibishopu ogu w'ekanisa y'Abakatoriki yangambiire ekiro kiri eifo okwo, omu kuhaana ebiteekateeko, ngu akagira ati, "Ow'eishe-emwe Braham, Yohaana Omubatizi akeeyoreka omu Byahandiikirwe, nk'oku nabi Isaaya yaagambire." Akagira ati, "Obuheereza bwawe nibweyorekyera kimwe omu Kanisa." Yaagira ati, "Aba Luther bari omu Baiburi." Yaagira ati, "Aba Luther bakamanya Luther. Aba Wesley nibamanya Wesley. Kwonka shi Abapentekoote bo?" Ati, "Nibazengyerera. Tibarikumanya ah'okutoora."

Kandi naagira nti, "Sebo, ekyo ninkisiima."

Kandi ago magingo nibwo Omwoyo yaashuumire aha mukyara omwe, owaabaire atakandeebahoga, omukazi we . . . kandi yaagamba kandi yaahamya ebintu nibyo bimwe.

Hati, okuba ow'amazima, omu maisho g'Obutumwa obu obu ndikugambaho akasheeshe aka, tindikumanya.

Nkamugambira, naagira nti, "Sebo, ekyo tinkaabaasa kukigamba. Ekyo n'ekintu kikuru munonga kugamba. Nikireebeka nkakyo."

Ekintu kimwe eki ndikumanya, ngu hariho ekintu ekibeireho, buzima. Ebintu ebi byona, buzima, byahamiibwe saayansi, byahamiibwe okwetooroora, n'okwetooroora ensi, tibikaabaasa kuba ekigano. N'Amazima. Niki? Ka ngambe, niinyatura, ntakabagambiire akasheeshe aka, tindikumanya. Kandi tinkaagyezaho na kakye kwongyeraho okuhitsya obu ndaahurire okuruga Ahariwe owaagambire naanye obwire bw'enyima kandi akangambira ebintu ebi.

11 Mwijukye, Mukama waitu Yesu Kristo akaba atakeeyorekaga nk'Omwanwa Ruhanga. Akagira ati, "Niiwe waagira ngu Ndiwe; nikyo Naazaariirwe," n'ebindi nk'ebyo, kwonka Taareyorekire We wenka.

Kandi, hati, egoye ekaba eri Enyomyo y'Omuriro eyaayebembeire abaana ba Israeli, akaba ari Mukama Yesu Kristo omu muringo gw'Omwoyo, (ekyo nimukiikiriza?) Logos owaarugire omuri Ruhanga. [Abateeraine baagira bati, "Amiina." -Omur.]

Kandi reero obu Yaabaire ari hanu omu nsi, Akagira ati, "Nkaruga ahari Ruhanga, kandi ninza ahari Ruhanga." Twena ekyo nitukimanya.

Kandi ahanyima y'okufa Kwe, okuziikwa, n'okuzooka. Saulo owa Taruso akaba ari omu rugyendo rwe naashuumma Damasiko, kuhiiga A-Abakristaayo, ahabw'okuba bakaba nibeegyesa ebintu ebiruhakanisa ebi baabaire beegyesiibwe. Kandi akaba ari omuserukare emanzi; oyegyesiibwe Gamalieli, omwe aha beegyesa rugambwa ab'ebiro ebyo, omu ishomero ryabo, ekigo ky'abanyadiini kyabo; kandi omushaija rugambwa, kandi omukuru omu kanisa. Kandi niho aho ahu Omushana mwingi, Enyomyo y'Omuriro ogundi murundi, yaamuteire ahansi, omu ihangwe. Kandi Eiraka ryagira riti, "Saulo, Saulo, Nompiigira ki?"

12 Hati ku muraayetegyereze obu Paulo, Saulo, yaimuka ahansi, akagira ati, "Mukama, Ori Oha?" Hati, ogwo mwojo, ahabw'okuba Omuyudaaya, buzima akaba atarikubaasa kweta ekintu kyona, kureka ku kyakubaire kiri ekintu ekirikushushanisa Ruhanga, takaabaire akyetsire "Mukama." N'ahabw'ekyo, Ekaba eri Enyomyo y'Omuriro niyo emwe.

Nk'oku Yesu yaagambire, "Ninza ahari Ruhanga. Nkaruga ahari Ruhanga, kandi ningaruka ahari Ruhanga."

Ngugwo Akaba ari aho, agarukire omu muringo gw'Enyomyo y'Omuriro ogundi murundi; Akagira ati, "Niinye Yesu Ou orikuhiiga; kandi kigumire kuteera emigyre aha mihunda."

Kandi nitwegyereza ngu Entumwa Petero, ou ebishumuruzo byahairwe kwombeka Ekanisa, nitushanga ngu akaba ari omu kihome, kandi egi Nyomyo y'Omuriro niyo emwe ekaija neeraba omu mpimbi z'ebiyoma, yaigura enyigi z'ekihome, yaihamu Petero, omu muringo ogutarikwetegyerezibwa, hatariho nangwa n'okuteganisa omurinzi. Ahariinye, Ni Yesu Kristo otahinduka, oku abaire ari nyomwabazyo n'eriizooba nikwo ari, kandi nikwo ariguma ebiro byona.

Kandi obwo burijo muryaguma nimumanya ekintu kyona habw'obuhangwa bwakyo. Ekintu kyona kimanyirwa aha buhangwa bwakyo, ebyana ebi kyana. Kandi nimbashaba kwetegyereza omuringo gw'ebijuma Ebi gurikwana, Omushana ogu ni Ruhanga, ahabw'okuba burijo Gugaruka omu Kigambo kya Ruhanga, kandi Guhamya Ekigambo kya Ruhanga, gubuurira Ekigambo kya Ruhanga, kandi Ruhanga ahemya Ekigambo ekyo kuba ekiriho buzima omu maisho gaanyu. Nihateekwa kuba hariho ekiri enyima Yaakyo.

13 Abantu baanyeta nabi. Tiinyeyeta nabi nangwa na busha, ahabw'okuba tinkaayehanga kugamba ekyo, kwonka nyine . . . Eky'okureeberaho, nimbaasa kugamba kinu, nti Mukama anyikiriize kureeba ebintu bitakabaireho, kugamba ebintu ebyahikire bikabaho, ebiribaho, ebirikubaho, kandi tihariho omurundi na gumwe obu kiraremire, omu mirundi emitwaro n'emitwaro. Buri kintu eki yaagambire ngu kiryabaho kikabaho. Twena ekyo nitukimanya. Ku haraabe hariho omuntu omu bateeraine abarikureebwa hanu akasheeshe aka, nari ahanti hoona, orikubaasa kugamba ahu kiraremire omurundi na gumwe, oine obugabe kwemerera haza okahagamba. Kwonka buri omwe ku araabe naamanya ngu buri kaire, omu mirundi enkumi n'enkumi, kitwire kihikiire kimwe, mugire muti, "amiina." [Abateeraine baagira bati, "Amiina!" -Omur.] Mwareeba? N'ahabw'ekyo kikaabaire ekintu nikyo kimwe okwetooroora ensi yoona.

Hariho ekintu ekiri haihi kubaho. Ruhanga tayohereza ebintu ebi hatariho ekigyendererwa enyima yaabyo.

14 Naaba nintekateeka hanu. Nkitaire hanu, bimwe aha bihandiiko byangye. Ngu akasheeshe aka njwaire, omukuufu . . . Kandi baangi omuriimwe mukahuriraho omuzaani mukuru ogu wa firimu, Jane Russell, kandi nyina n'Omupentekoote; kandi Danny Henry ni muzaara we, muzaara we w'okubanza, omwanwa wa munyaanya wa nyina. Ogu mushaija akaba ari owa Baputisiti. Akaba ayemereire omu ruteerane orwo, oruteerane rw'aba Business Men omuri Los Angeles, California, emyaka ebiri echingwire.

Kandi nkaba naaheza kugamba ebigambo bikuru, by'amaani; okuhitsya n'obu omwe aha bareeberezi ab'ekanisa ya Assemblies of God, yaashuumire aha kituuti naaruga eruguru aha baaraza ya kaanyaabiri ei yaabaire ashutami, kandi yaagira ati, "Tindikuteekateeka ngu Ow'eishe-emwe Branham ekyo yaakimanyisa."

Naagira nti, "Nintekwa kukimanyisa, sebo. Ni OKU NIKWO MUKAMA ARIKUGIRA," Kandi, obwo, kikaba kiine akakwate n'ekanisa omu busingye obu.

15 Kandi nk'omu kaire ako, omutsigazi ogu omushuubuzi . . . Murumuna we ari . . . akaba ari aho naakwata ebishushani ebya terevijooni akasheeshe ako, murumuna we ondijjo n'o-n'orikureeberera enguuto z'eihanga rya California. Kandi Danny Henry yaatambura yaaza omu maisho ahanyima y'oruteerane kukingwa, aha kituuti, nka bati, ahi abashsija boona baabaire bashutami, yaatambura yaija ahi ndi kumbumbatira. Kandi yaagamba ebigambo ebi, "Ow'eishe-emwe Branham, niinyesiga ngu eki tikirikuhrirwa nk'okurogota, kwonka," ati, "ekyo kikaakorwamu eshuura ya 23 y'ekitabo ky'Okushuururwa." Obwo, harimu eshuura makumi abiri na ibiri zonka omu kitabo ky'Okushuururwa. Yaagira ati, "Niinyesiga ngu eki tikirikuhrirwa nk'okurogota." Akaba atakaherize kukigamba . . . Hati, ogwo mwojo akaba ari owa Baputisiti, kandi akaba ataine eki arikumanya aha birengire eby'obuhangwa. Ambumbatiire n'emikono ye, akatandika kugamba omu rurimi orutarikumanywa.

Kandi ku yaaherize kugamba omu rurimi orutarikumanywa, hakaba hariho o-omukazi ogomokire, wa burawuni ashutami omu maisho gangye honyini, yaimuka, yaagira ati, "Ekyo tikirkwetaagisa okuvunuurwa kwona." Yaagira ati, "Ninduga omuri Shreveport, Louisiana; nari Baton Rouge, Louisiana." Ati, "Orwo n'Orufaransa buzima."

Victor Le Dioux, owaabaire ari omushaija w'Omufaransa, nawe ashutami eruguru okwo, yaagira ati, "Buzima, ndi omushaija w'Omufaransa, kandi orwo rubaire ruri Orufaransa rwonyini."

Naagira nti, "Rindaho edakiika. Iwe handiika eki yaagamba, kandi naiwe handiika eki yaagamba, mutakagizire eki mwagamba. Muhandiikye eki yaagamba, haza murekye tureebe ebi mwahandiika." N'ahabw'ekyo omwe yaahandiika, n'oriya yaahandiika, n'obumanyiso bw'okuhandiika bukaba nibushushana.

Reero nk'omu bwire obwo, ku baareetsire ebihandiiko byabo, omutsigazi muto oboneire, oine eishokye eriri nk'obunyaatsi obwomire yaaruga enyima naaribata. Ahu, hakaba hatariho omwanya ogurikumara we kushutamamu; akaba ayemereire enyima. Akija omu maisho naaribata, yaagira ati, "Murindeho edakiika, naanye niinyenda kutaho ekihandiiko kyangye." Ati, "Ndi omuvunuuzi w'Orufaransa wa U.N., w'Amahanga Ageeteereine." Yaagira ati, "Niinyenda kutsigaho ekihandiiko kyangye."

16 Kandi, hanu, ebyo bihandiiko bishatu nibishushanira kimwe buzima, omu Rufaransa. Kandi hanu nibishomwa biti. Eki n'ekihandiiko eky'ahandiikirwe okubanza, ekihandiiko ekyahandiikirwe obunaku obwo bwonyini. Eki n'ekihandiiko kya Danny, we wenyini, akakibiika omu nshaho ye. Hatariho okubangaanisa, kikaza omu kibiina ky'aba Christian Business Men, n'abandi.

Ahabw'okuba waatooraine akahaha akafunzire, akahaha akagumire munonga; iwe oygendeire omu kutoorana kwawe.

Iwe otooreinemu encwamu yonyini kandi ehikiire kimwe, kandi nigwo Muanda Gwangye.

Ahabw'okucwamu oku okukuru munonga, ekicweka kihango munonga ky'Eiguru nikija kukutegyereza.

K'otooreinemu encwamu y'ekitiinisa!

Eki omurikyo kyonka nikyo ekiraije kuha kandi kikareetaho obusinguzi rugogoma omuri rukundo ya Ruhanga.

Hati, ogwo mushaija akataho omukono gwe hanu. "Ebigambo by'aharuguru bikavunuurwa na, ebya Danny Henry naaragurira Ow'eishe-emwe Branham, bihairwe abajurizi bashatu omuri hooteeri omuri Los Angeles, California."

17 Hati, omutsigazi ogu niwe omwe owaaragwire, atarikumanya eki yaabaire naagamba, abaire ari omuri Yerusaalemu nk'okwezi okuhweire. Akatunga omugisha gw'okuzayo kandi n'o-n'okubyama omu kituuro ahu Yesu yaafeereire kandi akaziikwa. N'ahabw'ekyo ku yaabaire abyamiyo, akagira ngu nkaija omu biteekateeko bye munonga kandi yaatandika kurira. Ati, "Ka kubaire okugumirwa kw'amaani aha W'eishe-emwe Branham kwemerera akahakanisa ensi n'ebintu ebi, n'amakanisa goona!"

Nk'oku rimwe kya-kyagambirwe ahari omwe, ahari Billy Graham, ngu, "Nitubaasa kureeba Billy Graham, 'habw'okuba amakanisa goona geeteeraine ahabwe. Nitureeba Oral Roberts, Abapentekoote. Kwonka nitubaasa tutu kutunga ekintu kyona, kandi obwo Nikihakanisa ebi abantu baayegyesiibwe?" Ni Ruhanga.

Kandi, Danny, omurimo ogu akora ahabw'okugukunda kusha kutari ahabw'empiiha, akora otubaare tukye. Akaza ahi Omusharaba baagutsimbire, ahi baagambire ngu omusharaba gukatsimbwa omu rukiri. Tihariho n'omwe owaabaire ariho, n'ahabw'ekyo yaacwaho akacweka kakye k'orukiri kandi yaakata omu nshaho ye nk'ekijukizo, yaataaha kandi yaankoreramu omukuufu. Kandi, eky'okutangaaza, ku yaagukozire, gukareebeka nk'oguriho eshagama. Kandi okurabira kimwe omuri buri kabaare akakozire omukuufu ogu, okugumizamu, okurabiramu kimwe, omu kahanda neerabamu eteereire, omu kahanda akafunzire okurabira kimwe omuri twombi. Hati ekyo nikibaasa kuba e . . . Mwareeba, ondijjo muntu naabaasa okutakireeba, kwonka ahariinye n'eky'okugamba gye aha bintu ebi ndikwikiriza. Niinyikiriza ngu buri kintu kiine eki kirikumanyisa.

18 Kandi hati, omu bwire obu, eki Mukama aine kyona. Eki ku kiraabe kitari eki Yaahanwireho, omuri Malaki 4 kandi n'omuri Luka 17, n'ebindi Byahandiikirwe bingi eby'okubaho omu biro ebi eby'aha muheru, ka ngambe eki niimariira, kiteereireho ogwo mushaija omusingye ku araije. N'ahabw'ekyo ninsiima munonga ngu Ruhanga ow'Obushboorozi bwona, ku kiraabe kiri kityo, anyikiriize kukora ekintu kikye, omu mbeera yangye ey'obutashoma, kworeka okwebaza kwangye ahari Rukundo Ye ahariinye, rukundo yangye Ahariwe, kandi na rukundo yaitu aha bantu.

N'ahabw'ekyo, omu bwesigwa, ninturukirira eishomo eri ery'Obushwere N'Okushenda. Ninshaba ngu twena Ruhanga atugirire esaasi.

Kandi hati muhurikize kurungi. Kandi, ab'eishe-emwekaza, mutaimuka mukashohora aheeru; mushutame mucureire ahabw'akaanya kakye. Ab'eishe-emwe, naimwe mukore ekintu nikyo kimwe. Mutaihaho rediyo zaanyu aheeru okwo, ezirkwiha aha masimu aga. Ekyo mutakikora. Mushutame mucureire kumara edakiika nkye, okuhitsya obu okubuurira kuraahwe. Muhurikize kurungi. Waahakanisa, handiika Ebyahandiikirwe ebi ndikukozesa, reero obyegye n'okushaba otakacwiremu.

Ruhanga, tuhwere twaba nitwiririra eishomo eri.

19 Hati, niribaasa kuba riraingwa kakyeho. Tindikwenda ngu murahukiirize. Kandi mwetware, twena, twegye Ekigambo kya Ruhanga, omu mazima kandi omu muringo murungi munonga, oku turikumanya Kukyega.

Ka tutandikye n'Orikwera Matayo, eshuura ya 19. Kandi okutandikira, niniteekateeka, n'omushororongo gwa 8 okuruga omu shuura ya 19, niho ndikwenda kutandikira. Nabwo nimbaasa kutandika n'ogwa 1, nshome okuhitsya aha mushororongo gwa 8 ogw'eshuura ya 19.

Hati, mwijukye, ebantu ebi ebi ndaagambe nibiteekwa kuruga omu Kigambo kya Ruhanga. Tikirikubaasa kuba ekiteekateeko kyangye ahabwangye 'habw'okuba ekiteekateeko kyangye ni nk'eky'ondiijo weena. Kwonka nikiteekwa kuba nikigumizamu kitarikhinduka n'Ekigambo kya Ruhanga. Mwijukye, Ruhanga arinda ebantu byona kugumizamu bitarikhindahinduka. Tahinduka. Tahinduka, oku abaire ari nyomwabazyo n'eriizooba nikwo ari, kandi nikwo ariguma ebiro byona. Ekyo nimukiikiriza? [Abateeraine baagira bat, "Amiina." -Omur.] Tahinduka.

Hati naaza kushoma omu shuura ya 19.

Yesu ku yaaherize kugamba ebyo byona, yaaruga Galilaaya, yaataaha omu ishaza rya Buyudaaya seeri ya Yorudani;

Emitwe y'abantu baangi yaamukuratira, yaabakirizayo . . .

Abafarisaayo bajia ah'ari, baamutega . . .

Naayemereramu kakye aho kugira ngu mubaase kutunga okuhamisiriza ogwo owaabaire Naamutega.

. . . nibagira bat: Beitu Ebiragiro biikiriza omushaija kushenda omukazi we, yaaba aine eki arikumutura kyona?

Yaabagarukamu ati: Timukashomaga ngu, Owaabahangire bwa mbere na mbere, akahanga omushaija n'omukazi?

Yaagira ati: Omushaija nikyo atsigiraho ishe na nyina, akaguma n'omukazi we; nabo bombi bakahinduka omuntu omwe.

N'ahabw'ekyo baba batakiri babiri kureka omwe. N'ahabw'ekyo eki Ruhanga yaateeraine hamwe, omuntu atarikitaanisa.

Baagaruka baamubuuza bat: Ku kiraabe kiri kityo, ahabw'enki Musa akaragiira omuntu kuha ebaruha y'okutaana, ngu abone . . . kushenda omukazi we?

(Kandi) yaabagarukamu ati: Ahabw'obugangaazi bw'emitima yaanyu Musa nikyo yaikiririize ku mutaana n'abakazi baanyu, kwonka bwa mbere na mbere kikaba kitari kityo.

Hati, Ruhanga, tuyambe.

20 Ekyahandiikirwe eki, ekibuuozo eki, Yesu akakibugana maisho-na-maisho omu kutandika kwonyini kw'obuheereza Bwe. Kandi Musa akakibugana maisho-na-maisho aha kutandika kwonyini kw'obuheereza bwe. N'ekirikukirayo ebibuuozo byona omu mitima y'abaikiriza. Omusiisi tarikufayo. Kwonka n'eky'abaikiriza, ahabw'okuba omwikiriza naagyezaho kukora kyona eki arikubaasa kukora kutuura kurungi omu maisho ga Ruhanga. N'ahabw'ekyo ni, ekibuuozo kyona ekibaho ekirikukwata aha diini, obwo eky'Obushwere N'Okushenda kiimuka, (ahabw'enki?) ahabw'okuba n'ekyareetsireho ekibi ekyabandize. Aho niho ekibi kyatandikiire. Kandi egyo niyo nshonga etuma kyaimuka buri kaire, ahabw'okuba niyo ntandikiro y'ekibi yonyini.

Hati tindaatungye obwire bw'okushoboorora ebintu ebi byona, kwonka niinyija kugarukamu ebaruha yaawe n'okushemererwa nari ekintu kyona eki ndikubaasa. Nari, twine ebitabo ebihandiikirwe ebirikukishoboorora, hamwe n'ebibuuzo bingi, n'obucweka bw'obupapura obushazirwe okuruga omu mahurile n'ebintu hanu, kuhamya eki, nitumanya ngu akaba ari Haawa. Ekijuma kya appo eki bateekateeka ngu Haawa akarya, obwo kitari n'omu Byahandiikirwe, hati nibagira ngu n'ekijuma kya apurikooti; kikaba kitari kimwe ahari ebyo byombi. Haawa akashambana, ekyo kyazaarukamu omwana w'okubanza, owaabaire ari Kaini, omwana wa Sitaane wenyini, ahakuba omuriwe hakaba harimu ekibi. Tikiraizire okuraba omuri Abeeli. Omwana wa Sitaane akaba ari Kaini.

21 Nimmanya ekibuuzo kyanyu hati, "Haawa akagira ati, 'Ntungire omwana w'omwojo ahabw'okuhwerwa MUKAMA.'" Ekyo kihikiire kimwe.

Noobaasa kutwara omukazi okizireyo kusiisikara omu tauni, omushaija orikukirayo kuba mubi; ku baakuzaara omwereere, akaaba arugire ahari Ruhanga, ahabw'okuba Ruhanga aine ebiragiro ebitairwe hamwe. Kandi ebiragiro ebi, nk'eizooba kuturuka; iwe ta obukurura omu musiri murungi, nibwija kumera. Kandi nibwija kumera, ahabw'okuba n'ekiragiro kya Ruhanga. Embibo ku ebyarwa, neeteekwa kumera. Kandi tihariho ekirikubaasa kuzaara amagara kureka Ruhanga, ahabw'okuba kikorera ahansi y'ebiragiro Bye. N'ahabw'ekyo embibo mbi ku yaabyairwe omuri nyinenda ya-ya Haawa, ekaba neeteekwa kuzaarwa, ahabw'okuba n'ekiragiro kya Ruhanga ky'okuzaara. Kandi ekaba etarikubaasa kukora ekindi kintu kyona kureka kuzaarwa, kandi ekaba neeteekwa kuruga ahari Ruhanga.

Egyo niyo nshonga etuma abantu baagira bati, "Abeereere bato," obundi, "abo abataazairwe abazaire b'Abakristaayo, babuzire."

Eshagama ya Yesu Kristo neerihiirira omwana ogwo, tindikufayo oku yaazairwe n'oku yaazairwe ari omusiisi. Niwe Mwana gw'Entaama wa Ruhanga oihaho ebibi by'ensi. Omwana muto tarikubaasa kweteisa, ahabw'okuba taine eky'okweteisa, kandi ekyo n'ekibi ky'ensi ekyaihirweho Eshagama ya Kristo. Abeereere baza omu Iguru.

22 N'ekibi ekyabandize, kandi egyo niyo nshonga erikutuma kya-kyabuuzibwa. Ekirikutangaaza kikuru ku kiruga ahari Ruhanga, nk'ekintu ky'okubanza: "Kandi shi eky'Obushwere N'Okushenda kyo?" Hati, nk'oku kitwire, kikiri ekibuuzo omu bantu. Nk'oku kyabaire kiri omu bwire bwa Yesu, nk'oku kyabaire kiri omu bwire bwa Musa, nikwo kitwire, kandi n'eriizooba nikwo kiri, ekibuuzo omu bantu, ahabw'okuba abantu nibenda kumanya Amazima.

Kwonka ahu ekibuuzo kiri, n'eky'okugarukamu nikiteekwa kubaho. Kandi hati ahabw'okuba eky'okugarukamu, nk'oku ngambire enyimaho, saabiiti egi, hashemereire kubaho eky'okugarukamu ekihikire. Kandi ku turaatungye eky'okugarukamu aha kintu kyona, hazza ki-kitahikire, obwo nitumanya ngu kikaba kigwire. Kwonka hariho, okaabaasa kubuuza okuhitsya obu ekibuuzo ky'amazima kiraagarukwemu, waaba nooyenda kumanya Amazima. Kandi ahabw'okushangwa ngu eki n'ekibuuzo kya Baiburi, kishemereire kuba eky'okugarukwamu Baiburi.

Ni nk'oku naagambire, ku naakuba niinyenda kuza oburugwa-izooba akasheeshe aka; kandi eki ndikumanya ekirikukirayo eki, nkaba ninteekwa kubona ekintu omu musiri, kandi kiterereire n'oburugwa-izooba, haza nkaza burugwa-izooba. Omuntu akagira ati, "Ow'eishe-emwe Branham, oku ni oburugwa-izooba." N'oburugwa-izooba, omu buryo bumwe, kwonka ni rwagati y'oburugwa-izooba n'obukiizi-bwa bumosho. Nkaaraba aha kintu kyonyini eki mbaire ninsherura; nkaagaruka, ndikumanya ngu kigwire. Reero omuntu ku yaakugira ngu, "Ow'eishe-emwe Branham, toora kunu, aha mukono gwawe ogwa buryo." Hati, okwo omu buryo bumwe ni burugwa-izooba, naho, kwonka ni rwagati y'amashuumma n'oburugwa-izooba. Nkaabura eki mbaire ninsherura, ahabw'okuba nkarenga ensharo z'omuhanda oguhikire kandi ogwa butsimba.

23 Hati, ekyo ku kiraabe kiri kityo, twine ebiteekateeko bya bamwe bibiri aha ky'Obushwere N'Okushenda. Kandi ekyo ni, bamwe omuribo bagira, ngu, "Omushaija naabaasa kutaasya rimwe, shana omukazi we yaaba yaafire." Kandi ekyo ni kimwe aha bibuuzo, kwonka, waakikuratirira, noorengetuka. Kandi reero abandi bagira bati, "Oo, omukazi nari iba, omwe omuribo, yaaba ashambaine, omwe omuribo naabaasa kubinga mugyenzi we kandi agarukye ashwerwe nari ashwere ogundi murundi." Nooyeshanga waarengetuka nakyo.

N'ahabw'ekyo, mwareeba, teri rwagati y'amashuumma n'oburugwa-izooba n'obu yaakuba rwagati y'oburugwa-izooba n'obukiizi-bwa bumosho; nitwenda kutereera n'oburugwa-izooba. Okaaza aheeru y'Ebyahandiikirwe waatoora kunu, nooza aheeru y'Ebyahandiikirwe waatoora kuri. Nitwenda kumanya ahu Ebyahandiikirwe birikubugana Ebyahandiikirwe, kandi tumanye Amazima gaakyo. Buri bamwe nibatoora omu muhanda ogutarikushushana, reero baremwa kureeta eky'okugarukamu ekihikire, kwonka nabwo hashemereire kubaho eky'okugarukamu.

24 Ni nka, ebiro ebi, hariho ebibiina bikuru bibiri by'enyegyesa omu kanisa; kimwe omuribyo n'ekya Kaluvini, ekindi n'ekya Armin- . . . Arminiani. Kimwe omuribyo n'ekirikwegamira ebiragiro, ekindi nikyegamira embabazi. Kandi nitushanga ngu abantu abarikwikiririza omu mbabazi, aba Kaluvini, bagira ngu, "Ruhanga aheebwe omugisha, tikirkungwisa kubi naareetsa. Tikirkungwisa kubi naanywa amarwa. Nimbaasa kukora ebintu ebi, nyine oburinzi Obutahwaho." Reero nitureeba orubaju ruri, abarikwegamira ebiragiro, bati, "Oo, nkaayenzire kumukabukira, nkaayenzire kumworeka ku mwiniire ekiniga, kwonka, ndi Omukristaayo, nshemereire kuhunama." Mwareeba, nooyeshanga aha mihanda ebiri etarikushushana, kandi hatariho na gumwe omuriyo oguhikire. Hati, ekyo kigumire eigamba, kwonka n'amazima.

Nitweshanga aha mihanda ebiri etarikushushana; gumwe nigutoora orubaju rumwe, ogundi orundi. Hati ka tureebe eki Amazima gari.

25 Hati muhurikize, hazu mureebe yaaba eki muraahurire kiinemu obwengye. Eky'okureeberaho, ku naakwetebeekanisa kuza seeri y'amayanja. Kandi nkawtware eka yangye. Niinyija kweta omukazi wangye kwija ahi ndi, hazu ngire nti, "Nituza kugye- . . . Ningyenda seeri y'amayanja, mukundwa." Hati hanu hariho orubaju rw'abarikwegamira ebiragiro, "Hati, mukazi wangye, naaza kukuteeraho ebiragiro! Ku oraayetware nka maraaya n'omushaija naaba ngyenzire, ku ndaagarukye ninkushenda. Kandi tindikwenda ngu oreebese amaiso g'obwamaraaya, tindikwenda ngu oyetware nka maraaya! Ekyo waakyetegyereza? Ndi baro! Ku oraakikore, niinyija kukubinga naagaruka."

Reero omukazi wangye arugyeyo kandi ankuate etai, kandi agire ati, "Mushaija wangye omurungi, niinyenda kugira eki naakugambira, waareeba, waareeba, ku oraareebese omukazi weena amaisho g'obwamaraaya, nari okagyendagyenda n'omukazi weena, nari okeetware nka maraaya n'omukazi weena, nitwija kutaana waagaruka." Hati, egoy tekaaba eka erimu okushemererwa? Abo n'abarikwegamira ebiragiro. Ni kirungi.

Hati, orubaju orundi ruri, ngu ku naakuza seeri y'amayanja kandi nkakora enshobi . . . Ngyende kandi mugambire nti, "Hati, reeba, niinyija kugyendagyenda n'ogu mukazi. Oo, tikiine nshonga n'omukazi wangye, tarikufayo." Omukazi wangye agire ati, "Niinyija kugyendagyenda n'ogu mushaija. Bill taine nshonga, tarikufayo." Ku ndaabe ntarikufayo, obwo hariho ekishobire omuriinye; ogwo mukazi nimba ntarikumukunda omu buryo obuhikire. Kandi ogwo mukazi ku araabe atarikufayo, hariho ekishobire omuriwe. N'omukazi wangye; tindikwenda ondijo mushaija kumuzaanazaaniraho. N'omukazi wangye.

26 Hati, oburyo bwakyo obuhikire, ni, bombi bainemu amazima, kwonka tigari Mazima gonyini.

Hati ku ngyenda seeri y'amayanja, kukitereeza, eka yangye nkye eyeteeranira hamwe, reero tushabirana. Kandi mbahayo ahari Ruhanga, kandi bampayo ahari Ruhanga. Kandi ku tukikora, tuyenda seeri y'amayanja, ngyenda seeri y'amayanja. Hati, nimmanya ngu nankunda; mwinemu obwesigye. Kandi nimukunda; kandi anyinemu obwesigye. Obwire bwona naaba nimukunda ntyo, takaayemereza omutima ngu ninza kugyendagyenda n'ondijo mukazi. Obwire bwona yaaba nankunda omu buryo obuhikire, ahaw'enki, tikirikwetaagisa ngu nyemereze omutima ngu hariho ondijo mushaija oraije kugyendagyenda nawe, ahaw'okuba n'omukazi wangye kandi nimwikiririzamu.

Niinyikiriza, buzima ku naakukora ekintu ekigwire, nkakora enshobe haza nkagyendagyenda n'ondijo mukazi, kandi nkagaruka kandi nkamweteisiza, kandi nkamugambira nti, "Meda, ekyo mbaire ntagyendereire kukikora. Naakwatiirwe omu mutego; ogu mukazi yaafire kwirukira ahu ndi kandi-kandi yaabakura omukono gwangye, haza yaatandika kinu na kinu," niinyikiriza akaayetegyereza. Niinyikiriza akaakinsaasira. Kwonka tinkaakikora, nangwa na busha, ahaw'okuba nimukunda. N'obu yaakunsaasira, tinkaakikora. Tinkamushasha, nangwa na busha. N'obu ndikumanya ngu akaakinsaasira, tindikwenda kumushasha.

27 Kandi okwo nikwo kiri na Ruhanga. Ku na . . . yaaba rukundo ya Fileo, niyo rukundo y'abantu, rukundo y'okukwatanisa, yaaba neebaasa kutuma omushaija yaayehuriramatu atyo aha mukazi we; kandi shi rukundo ya agapao, ekigambo ky'Orugriika ekirikumanyisa "rukundo ya Ruhanga," ekyo kikaatuma naatwaza nta ahari Kristo? Nyowe, obwire bwona naaba niinyenda kuza kukikora, kiri omu mutima gwangye kukikora! N'obu . . . ningamba, obwire bwona kyaba kiri omu mutima gwangye kukikora, niinyija kugyenda nkikore. Okwegamira ebiragiro tikuraikirize ngu nkikore, n'ahaw'okuba nimmanya ngu niinyija kufubirwa ahaw'okukikora. Kwonka Amazima gaakyo gonyini ni ngu, rukundo ya Ruhanga ku etaaha omu mutima gwawe okuhitsya obu orikwenda ngu Okikore. Ago nigo Mazima gaakyo. Hariho enteekateeka ibiri za bamwe. T'abarikwegamira ebiragiro nari bari, nari aba Kaluvini, ni bombi.

28 Hati nitureeba eriizooba, nabwo, hariho ebigombe by'amadiini bingi ebitarikushushana. Hariho ekanisa y'Abakatoriki, ekanisa y'Abapurotesitante. Buri emwe omurizo neegira ngu niyo Muhanda, mwareeba, "Twine Omuhanda, niitwe Mazima." Hariho Abametsodisiti, nibagira bat, "Twine Amazima." Ababaputisiti nibagira bat, "Twine Amazima."

Mpaho, ahariinye, obwire bwona baaba nibeehuriramatu batyo, tikwo kiri, ahaw'okuba Yesu akagira ati, "Niinye Mazima." Mwareeba?

N'ahaw'ekyo, nk'oku eishomo ryangye ribaire riri nyomwebazyo, ngu Niwe omwanya ogu Ruhangu yaatairemu Eiziina Rye, omwanya gwonka ogw'okuramizamu. Tori Mukristaayo ahaw'okuba ori Omupurotesitante. Tori Omukristaayo ahaw'okuba ori Omukatoriki. Tori Omukristaayo ahaw'okuba ori Omumetsodisiti, Omubaputisiti, nari Omupentekoote. Ori Omukritaayo ahaw'okuba okabatizibwa kutaaha omuri Yesu Kristo, ahaw'Omwoyo Orikwera, atari ahaw'amaizi. "Hariho Okwikiriza kumwe; Mukama omwe; okubatizibwa kumwe," okwo n'okubatizibwa kw'Omwoyo Orikwera. Okubatizibwa n'amaizi kukutaasya omu kuteerana. Okubatizibwa kw'Omwoyo Orikwera kukutaasya omuri Kristo. Amazima Ngago.

29 Nabwo twine ebiteekateko bibiri aha Bushwere n'Okushenda oku. Hati, ngu, Mukama waitu yaaherize kutubambuurira enaama y'Obumanyiso Mushanju bw'Ekigambo Kye, omu biro ebi eby'aha muheru. Hati, baingi

omuriimwe, eki nikibaasa kuba Orugriika ahariimwe, kwonka ekanisa yangye neeyetegyereza. Naki? Kandi mukahurira aha kworekwa n'ebyabaireho. Kandi ekibuuozo n'ekibuuozo kya Baiburi, turaarikirwe hanu kwikiriza ku hashemereire kubaho eky'okugarukamu ekihikire aha naama yoona esherekirwe etwire esherekirwe okuruga aha musingye gw'ensi. Kandi Baiburi neeragura kandi egira ngu omu biro ebi enaama ezi niziija kumanywa. Okushuururuwa 10, "Kandi aha kugamba kwa maraika wa mushanju, entumwa ya Laodikea, enaama za Ruhanga ziryamanywa." Kandi obu n'obusingye bw'aha mperu, niyo Laodikea.

30 Mureebe okusisiimuka oku kwona okugumiizemu kumara egi myaka ikumi na itaano nangwa n'okukiraho, kandi tihariho ekibiina ky'ediini na kimwe ekirugiremu. Luther akagiraho okusisiimuka, haarugamu ekigombe ky'ediini; Wesley, haarugamu ekigombe ky'ediini; Alexander Campbell, haarugamu ekigombe ky'ediini; aba boona bakuru . . . John Smith n'abandi, ebicombe by'amadiini, Moody, obwire bwona. Kwonka habaireho omwe . . . Emirundi mingi okusisiimuka kukira kumara nk'emyaka eshatu. Kwonka oku kwo kumazire emyaka erikukira ahari ikumi na itaano, kandi tihariho kigombe ky'ediini na kimwe ekirugiremu, ahakuba obu n'obwire bw'Embibo. Tihakiriho kishushu; ahanyima y'ekyo kishushu kurugaho, n'Embibo.

Ruhanga ayeetekateekire, ku Araabe atarikukikora hati, naaza kweta Ekanisa kuhika aha kuhikiirira ahabw'Ekigambo Kye, Yesu Kristo. Mwetegyereze, nihateekwa kubaho eky'okugarukamu ahantu nanka, kandi ahabw'okuba Ekyo, enaama y'obumanyiso mushanju ya Ruhanga, Obumanyiso Mushanju.

Ni bangahi ekyo abarikukyetegyereza, mwimutsye emikono yaanyu. Ka tureebe. Ninteekekka baingi omuribo n'ab'omu kanisa yaitu aba haihi hanu, muhurikize. Ku kiraabe kitari kityo, ebitabo nibijja kushohora juba, aha ishomo eryo. Twine ebitabo, ebitabo bimwe Aharikyo hati.

31 Yesu, omu ky'okwegaho kyaitu, naaturaarika kugaruka omu kutandika, kutunga eky'okugarukamu ky'Ebyahandiikirwe ekihikire.

Hati, ku Yaabuuuibwe kinu, hakaba hariho ebintu bibiri ebi baabaire nibenda kumanya. Abanyamurwa Bakamugambira bati, "Omushaija naabaasa kushenda omukazi we, ataasye ondijo, yaaba aine eki arikumutura kyona?"

Kandi Yesu yaagarukamu ati, "Bwa mbere na mbere kikaba kitari kityo."

Reero baagira bati, "Musa akatwikiriza kuha ebaruha y'okushenda, n'okubinga omukazi ahabw'ekintu kyona eki barikumutura."

Yaagira ati, "Ekyo Musa ekyo akakikora ahabw'okuba," nindeka ekyo kutaahamu ahabw'akaanya kakye, "ahabw'obugangaazi bw'emtima yaanyu; kwonka okuruga, nari bwa mbere na mbere kikaba kitari kityo." Ekibuuozo!

32 Ekibuuozo ky'ebiro ebi, nk'eky'obusingye omu nsi, "Nibwija okurabira omuri pokopoko y'obutegyeki, okwegaita kw'amahanga, okwegaita?" Nimbagambira nti, ngaaha. Kitwire nikiremwa, kandi nikijja kugaruka kiremwe. Kwonka hakiriyo eky'okugarukamu ekibuuozo ekihikire. "Haryabaho obusingye omu nsi?" Eego, ekibi ku kirimarwaho omu nsi, haryabaho obusingye. Kwonka okuhitsya obunaku obwo, tiharibaho obusingye; "eihanga riryarwanisa erindi ihanga, kandi obugabe buryarwanisa obundi bugabe." Ruhanga akaha eky'okumaraho ekibi. Muherikize kurungi hati. Ruhanga akaha eky'okumaraho ekibi omu nsi, kwonka omuntu w'ensi tarikubaasa kwakiira ekyo eki Ruhanga ataireho.

Ruhanga akatuha omuhanda hamwe n'omuringo gw'okutaasyamu abakazi baitu n'okutuura nabo, kwonka omuntu tarikubaasa kwakiira omuhanda gwa Ruhanga, tarikubaasa kwikiriza Ekigambo Kye aharikyo. Yesu eki akakigamba. Kandi eki nikitwijutsya E-Ebigambo Bye, nitumanya ngu Akagamba ati, "Eiguru n'ensi biryaremwa, biryahwaho, kwonka Ebyangye tibirihwaho.

33 Ekibuuozo, eky'okugarukamu ekihikire eki Yesu arikwenda ngu tugarukyeho, n'okugaruka omu kutandika. Reero, ekyo kikaabaire omu kitabo ky'Okutandika, 'habw'okuba ekigambo Okutandika neeshuura y'embibo ahari buri kibuuozo ky'omuri Baiburi. Kandi burijo nooteekwa kugaruka aha mbibo kureeba omuringo gw'embibo oguri omu musiri, kureeba oku ebihingwa byawe biriba. Hati, ni mbibo ya kika ki ebyairwe? Okutandika, ahabw'okuba eshuura y'embibo, nitugaruka omu kitabo ky'Okutandika. Yesu naatwanjurira ekyo Kyahandiikirwe, "bwa mbere na mbere." Hati, mwijukye, obwo nibwo obwire bwatandikire kubaho. Enyima y'obwo, bukaba buri Obutahwaho. Hati, ekibuuozo kyaitu aho kibaire, mwetegyereze, ku twakugaruka omu kutandika.

Hati mutafeerwa eki! Kandi egyo niyo nshonga erikutuma ndikwenda kugamba ntarikurahukiiriza, kugira ngu abantu abahurikiize aheeru oku aha masimu, kandi kugira ngu orutambi rw'amaraka rukigambe gye.

Yesu ku araabe yaagizire ngu, "Mugarukye omu kutandika," Hakaba hariho ebibiri ebirukoragana eby'ekintu kyona omu nsi. Hakaba hariho Adamu omwe, Haawa omwe, bakagaitwa Ruhanga wenka. Ekikazi kimwe ky'embaraasi, kimwe ky'ekishaija; enkushu emwe y'enkazi, n'emwe y'enshaija. "Bwa mbere na mbere," nk'oku Yaatugambiire kugaruka enyima, hakaba hariho ebibiri ebirukoragana ebya buri kintu kyona. Ekyo n'amazima? [Abateeraine baagira bati, "Amiina." -Omur.] Mbwenu, nitushanga ngu "bwa mbere na mbere" bikaba nibigyendera omu buteeka obuhikire kandi omu kukwatanisa na Ruhanga, tihariho ekyabaire kitari omu buteeka.

Buri kintu omu iguru kikiri omu buteeka; enyonyoozi zonna, ebibiina by'enyonyoozi, ebirikwetooroora eizooba, buri kintu kiri omu buteeka obuhikiire kimwe. Kimwe omuribyo kyarugaho, kikaateganisa entebeekanisa yoona.

34 Hati muhurikize. Nimureeba? Okuteganisa kumwe nikushiisha entebeekanisa yoona! Hati, abantu ku baabaire nibagyenda gye na Ruhanga, n'omushaija omwe n'omukazi omwe, omukazi ogu akashiisha kandi kyaiha entebeekanisa yoona y'ensi omu buteeka bw'okukwatanisa na Ruhanga. N'ahabw'ekyo, ekigambo kimwe ekyongeirwe aha Kitabo eki, nari Ekigambo kimwe Ekihirwemu; nakinaga Omukristaayo aheeru y'okukwatanisa na Ruhanga, nakinaga ekanisa aheeru y'okukwatanisa na Ruhanga, nakinaga eka aheeru y'okukwatanisa na Ruhanga. Buri mwikiriza naabaasa kunagwa aheeru, ahaw'okutakiriza buri Kigambo kya Ruhanga.

Mbwenu, akaba ari omukazi owaareetsireho okutaana kw'egi ka nungi. Akaba atari Kerubi owaateganisize ensi. Akaba atari Adamu owaanagire aheeru egi ka. Kikaba kitari kindi kintu kyona ekyanagire eka aheeru, kandi kikanaga aheeru y'obuteeka ekintu kyona, kureka n'omukazi, Haawa. Kandi ni hanu "omu kutandika," oku Yesu yaagambireho, okwacwibweho. Yesu akagira ati, "Omukazi akahanga ekishaija kimwe, ekikazi kimwe, ekya buri kika." Kandi hati omukazi ogu ku . . . atari embaraasi y'ekikazi, atari embwakazi; kureka omukazi, akahenda enkora yoona y'obuteeka bwa Ruhanga omu nsi kandi yaanaga buri kintu omu kufa. Omukazi, atari mushaija, akahenda endagaano. Omukazi akahenda endagaano, ahaw'okuba (ahabw'enki?) akatambuuka yaarenga omutaano gw'Ekigambo kya Ruhanga. Hati, ku araabe yaahenzire endagaano ye na iba, akahenda endagaano ye na Ruhanga; obwo, ahaw'okuba yaahenzire endagaano ye na Ruhanga, akaghenda na iba.

35 Kandi waahenda okuragaanisa kwave hamwe n'endagaano yaawe aha Kigambo kya Ruhanga, ekyo nikyo ekireetsireho baamemba b'ekanisa b'ebizaarwa baingi munonga, 'habw'okuba ekibiina ky'abantu kikateerana kandi kyagira kiti, "Mpaho, Tikiramanyisize ekyo," kandi nakinaga ekibiina ky'ediini aheeru y'obuteeka bw'Ekigambo. "Ekyo titurikukiikiriza. Dokita Jones akagira ngu tikwo Kiri." Kwonka obwire bwona Ruhanga ku araabe yaagambire ngu nikwo Kiri, Akagira ngu, "ka buri kigambo ky'omuntu kibe ekishuba, kwonka Ekyangye kibe Amazima!" Aho nikihenda obuteeka.

Hati nitureeba, ahaw'okushangwa ngu obuteeka bukahendwa, reero omurunga gw'Amagara gukacweka, omurunga gw'obwire nagwo gwacweka, endagaano ekahendwa, buri kintu kyacwekacweka! N'enki ekyakireetsire? Omukazi. Ogwo niwe owaahenzire endagaano. Hati, ekyo ku muraabe nimwenda kukishoma, nimubaasa kukishoma, Okutandika 3.

36 Hati, obwo nibwo omushaija yaatairweho kutegyeka omukazi, ahaw'Ekigambo kya Ruhanga. Omukazi akaba atakaingana n'omushaija. Omu by'obuhangwa omukazi akaba naingana n'omushaija, nimumanya; kwonka, ku yaahenzire Ekigambo kya Ruhanga, Ruhanga akataho omushaija kumutegyeka. Okutandika 3:16, mwaba nimwenda kukihandiika. Omukazi akaba atakaingana n'omushaija. Akaba orikuhenda Ekigambo kya Ruhanga.

Timurikureeba, "omukazi," omukazi, ekanisa ahaifo hanu? Orikuhenda Ekigambo kya Ruhanga, ekyo kikaihira kimwe omukazi omu kugumizamu kw'obuteeka. Kandi ekyo nikyo ekanisa ekozire, yaanaga rufu y'omwoyo aha kintu kyona. Hati nimwija kwetegyereza ahaw'enki mpamisiriza ebintu ebi nk'oku nkora. N'Amazima! Ebi n'ebya Baiburi eby'amazima.

Mwetegyereze, ahaw'enki omukazi yaakozire ekintu nk'eki; omukazi murungi, oboneire, ohikiriire nk'ogwo?

Rimwe nkareeba ekishushani, niinyikiriza ni omuri Greece, eky'omuteezi w'ebishushani by'engaro owaateire ekishushani kya Haawa. Akaba naareebeka kubi munonga okukira ekintu eki orareebire. Ekyo nikyoreka eki ebiteekateeko by'omuntu bibaasa kureeba. Kwonka, Haawa tikwo yaabaire naashusha; akaba aboneire, 'habw'okuba akaba ari omukazi ohikire, weena ari omukazi.

37 Mwetegyereze, ahaw'enki Haawa yaakozire ekintu ekyo, kandi obwo ari omu idaara ry'ahaiguru? Akaba ari hamwe n'omushaija, bombi nibaingana. Kwonka twena nitumanya hati ngu omukazi akabuza obukuru bw'okwingana n'omushaija, ku yaashiishire, kandi Ruhanga yaagira ati, "Omushaija aryaba omutegyeki waawe okuruga hati n'okugumizamu." Hati, ekyo n'Ekyahandiikirwe. Mwaba nimwenda, nitubaasa kukishoma.

Nimbaha Ebyahandiikirwe, okutamara bwire ahawba baingi aba abahurikiize aha masimu omu ihanga ryona, kugira ngu mubyeshomere.

Mwetegyereze enhsonga eyaatumire Haawa yaakikora ekyo. Sitaane akabaasa ata kumuhikaho?

Murakimanyire ngu obwire bumwe Sitaane akaba naingana na Ruhanga? Buzima akaba naingana nawe, omuri byona oihireho kuba omuhangi; akaba ari byona, akaba ayemerera aha mukono gwa buryo gwa Ruhanga, omu Iguru, Kerubi orikwebembera omukuru.

Mwetegyereze enhsonga eyaatumire Haawa yaakikora eki, akaba atari omu kuhanga okwabandize. Haawa tarí omu kuhanga kwa Ruhanga okwabandize; ni ekiihirwe omu kindi. N'ahabw'ekyo, "bwa mbere na mbere," nk'oku Yesu yaakigambireho, Haawa akaba atari kihangirwe ekyabaire omu kuhanga kwa Ruhanga okwabandize. N'ekiihirwe omu mushaija, obu Yesu yaagamba "bwa mbere na mbere."

38 Mwijukye, Adamu akaba ari byombi ekishaija n'ekikazi, omu kuhanga okwabandize, omwe, kwonka bwanyima yaabaganisibwamu ahabw'orubaju.

Mwetegyereze, kwonka ekiihirwe omu kindi, kandi, mwetegyereze, ekintu kimwe kyonka omu bihangirwe byona bya Ruhanga, omuri buri nyamaishwa kandi na buri kintu kyona, Haawa niwe wenka owaakozirwe ati. Ekindi kikazi kyona kikaba kiri omu kuhanga okwabandize. Ekindi kikazi kyona kikaba kiri omu kuhanga okwabandize, kwonka Haawa akaba atari omu kuhangwa okwabandize. Mwareeba, ekyo kikaba kiine kuba omu muringo ogwo. Nitwija kukihikaho ahanyima y'akaanya kakye. Mwetegyereze, omu kuhangwa oku oku yaabaire arimu, atari omu kwabandize, kureka ekiihirwe omu kindi. Kandi omu kuhangwa oku, hariho . . .

Hati tindikwenda kubashaasha, kureka niinyenda kubagambira Amazima. Kandi mushutame mutebeekeine; nimutwaza gye.

39 Tihariho ekintu ekikozirwe kubeihabeihha munonga, nk'omukazi omubeihi. Tiharikubaasa kubaho ekindi nangwa na busha; tihariho ekindi ekikozirwe kuba batyo.

Kandi nabwo, tihariho ekintu ekirikubaasa kurahuka kubeihwabeihwa nk'omukazi. Hati, okugwa nikuhamya ebigambo ebi ku biri amazima, okugwa omu kutandika.

Haawa akaba atari omu kuhangwa okwabandize omu kutandika. Akaba ari omuri Adamu, kwonka atari omu muringo gw'ekikazi, we wenka, omu kutandika. Akaba ari ekikozirwe ekiihirwe omu kindi.

Hati, tihariho kintu ekikozirwe ekirikubaasa kubeihabeihha, kandi kikabeihwabeihwa juba nk'omukazi. Tihariho ekintu ekikozirwe nari ekirikubaasa kushiisha emicwe yaakyo nk'oku omukazi arikubaasa. Teekateeka hati. Tihariho ekintu ekikozirwe, omu byahangirwe byona, ekirikubaasa kusiisikara engyesho nk'oku omukazi arikubaasa. Omukazi naabaasa kutaagura omutima gw'omushaija omu bucwekacweka jubajuba okukira ekindi kintu kyona ekirihomu nsi, n'omukazi we. K'ogwo mukazi mukye oboneire atandikye kuzengyerera n'ondijo mushaija; reeba ogwo mushaija oshutami aho n'abaana be, amarira nigaruga omu maisho ge. Omukazi akozirwe atyo. Akoreirwe kukora eki. Tihariho empunu, tihariho embwa, nari endijo nyamaishwa, ekozirwe nk'omukazi nari erikubaasa kusiisikara engyesho nk'oku omukazi arikubaasa kusiisikara engyesho. Hati, ekyo n'amazima.

Ndikutamu ekitiinisa ab'eishe-emwekazi bagyenzi bangye, niinyenda ngu mureebe.

40 Tihariho nyamaishwa erikubaasa kugira engyesho mbi. Mweta embwa "enshambani," embwakazi, mweta ekishaija . . . empunu "empunu y'enkazi," kwonka engyesho zaayo nizikirira hare ez'abazaani ba firimu ba Hollywood mairo miriyoni. Okwo nikwo omukazi akozirwe kushiisha engyesho ze. Tarikubaasa . . . Muteekateekye ahari eki hati. Tihariho ekintu kyona omu nsi, ekyakozirwe omu kuhanga kwa Ruhanga, ekirikubaasa kusiisikara engyesho, kwegianura ahansi kityo.

Noogira oti, "Rindaho edakiika, iwe 'mushaija' 'we!'" Ekyo nituza kukturungu. Omukazi aine kugira ati "eego."

Mwetegyereze, tihariho kintu ekikozirwe kushiisha engyesho zaakyo, nari kusiisikara, kureka omukazi. Embwa terikubaasa kukikora, empunu terikubaasa kukikora, ekinyonyi tirikubaasa kukikora. Tihariho nyamaishwa esiisikaire engyesho, ahakuba tekozirwe omu muringo ogu erikubaasa kuba etyo. Empunu y'enkazi terikubaasa kusiisikara engyesho, embwakazi terikubaasa kusiisikara engyesho, ekinyonyi ky'ekikazi tikirikubaasa kusiisikara engyesho. Omukazi niwe wenka orikubaasa kukikora.

41 Hati nimureeba ei Sitaane yaagiire? Mwareeba? Kwonka nabwo omukazi niwe oine, niwe oine obushoboorozi bw'okugira ati, "eego" nari "ngaaha." Mwareeba, nikirugiirira oku arikwenda kwetwara. Mwareeba? Hati hanu nitubaasa kureeba butunu oruzaaro rw'enjoka, oku rwataahiremu. Hariho omwanya gumwe gwonka ogu enjoka yaabaire neebaasa kuzamu. Ekyo ku kiraabe kitakihamiize kimwe, ogwo muntu naaba ari empumi. Mwareeba? Mwareeba, kikaba kiine kuhika ahari ekyo.

Mwetegyereze, enhongga eyaatumire enyamaishwa zitaabaasa kukikora, enyamaishwa y'ekikazi, zikaba ziri omu kuhangwa okwabandize. Kwonka omukazi akaba atari omuri okwo kuhangwa okwabandize. Hati nituza kugaruka enyima eki tukitimbeyo, reero mbareetera kimwe omu biro by'omutindo musya, omu Ndagaano.

Omukazi akoreirwe, we wenka, okusiisikara n'okutuura amagara g'ebihagaro. Embwa terikubaasa, kandi tihariho ekindi kikazi ekirikubaasa. Omukazi niwe wenka orikubaasa. Embwa nari ezindi nyamaishwa, rimwe omu mwaka, kandi nabwo ekyo ahawb'ebiana byayo; kutari kusherura amashemererwa omu by'okuteerana kw'ekishaija n'ekikazi, kureka ahawb'ebiana byayo. Empunu y'enkazi ekuzire, embwakazi ekuzire, rimwe omu mwaka, rimwe, ekyo n'ahawb'ebibwana byayo. Kwonka omukazi akoreirwe akaire koonaku yaayetenga. Hanu nyine ebi nsharizemu hati; nimubaasa kuteekateeka ebyatsigara. Embwa terikubaasa; omukazi naabaasa. Nyine amatsiko ngu Omwoyo Orirkwera naija kubashuururira ebyatsigara ebi nsharizemu hanu.

42 Omukazi niwe kika kyonka, ekika ky'ekikazi, ekikozirwe kiboneire okukira ekishaija. Tihariho ekindi kika omu bindi byona. Ebihangirwe ebindi byona bya Ruhanga ebishaija nibyo biboneire, nk'omu nyamaishwa, enyonyi, n'ebindi, burijo ekishaija nikyo kiboneire.

Mureebe engabi y'amahembe g'amataagi, amahembe mahango marungi, ekika kirungi; n'engabi nkye y'enkazi,

encureezi. Mureebe enshaaki mpango n'amooya gaayo goona marungi; n'enkokokazi ya kitaka, nkye. Mureebe ebinyonyi, enshaaki n'enkokokazi. Ahabw'enki, ahabw'enki kyabaire kityo, omu bihangirwe byona bya Ruhanga? Buri kihangirwe, ekishaija nikyo kiboneire okukirayo. Omu ntaama, omu-omu mpunu, omu mbaraasi, omu kindi kintu kyona, burijjo ekishaija kihango nikyo kiboneire, kandi n'omu nyonyi.

Kwonka omu ruganda rw'abantu, omukazi niwe oboneire, atari mushaija; ku araabe aboneire, hariho ekishobire, hariho orujwangye rw'embibo ahantu nanka. Bwa mbere na mbere kiri kityo. Ahabw'enki, ahabw'enki kyakozirwe? Kubelihabelhesa. Omuhunzi w'omukazi, Sitaane, na hati naakimuhunda, nabwo, omu biro ebi by'aha muheru.

43 Ka nyemerereho kakye hanu. "Okubonera!" Murakimanyire, okucwekyerera kw'okubanza, omu mahanga, g'ensi, nari ensi yoona, kukareetwaho abakazi ababoneire? "Abaana ba Ruhanga ku baareebire abaishiki b'abantu bari barungi, baashweramu abakazi." Ekyo kihikire?

Mureebire okwetyongyera kw'oburungi omu bakazi eriigyenda? Nkareeba ekishushani kya Pearl O'Brien, owaabaire naateekatekwaho kuba orikukirayo oburungi omu ihanga, obunaku bumwe. Tihariho mwishiki w'omunyeeto omu ishomero eri otarikumukirira hare, kyahika aha burungi.

Okwetyongyera kw'oburungi bw'abakazi nikworeka obwire bw'okubeihwabeihwa. Ni ryari obu ekanisa eraboneire okukira ebi? Buri kintu nikirangwa obuhango, ebyombeko birungi bihango, na zaamiriyoni z'eki na zaamiriyoni za kiriya. Timurikureeba, "omukazi," okubeihwabeihwa!

44 Hati, tihariho ekintu ekirkubaasa kusiisikara engyeso nk'omukazi, kandi akozirwe omu buryo bw'okugira ngu abaase kubehabeihha. Kandi Sitaane ariyo naamukoraho ebi, omu biro ebi eby'aha muheru, ahabw'okuba niwe orikumuhunda. Ekyo nimbaasa kukihamya hati. Kugarukira kimwe enyima omu kutandika, n'oha owaatandikire kumukoraho, Adamu nari Sitaane, Ruhanga nari Sitaane? Mwareeba, ogwo niwe omuhunzi we. N'eky'okurwanisa ekirkukirayo amaani ky'omukazi kunaga omushaija omu burofa bwe, ahabw'okuba ari omukazi oboneire, naabaasa kutoza omushaija omu muhanda gwona ogu yaakunda. Ow'eishe-emwe, teri baara ya waragi eifo hanu erikukwata omushaija; n'omukazi murungi orikutambura omu ruguuto rw'omu rurembo, orikugyenda naayemyora, ari nk'ojaire busha. Ekyo nikyo ekirkutwara . . . Ogwo niwe mubeihi aho honyini. Kandi n'ow'akabi munonga omu kukikora, buzima kwo n'ow'akabi munonga. Noobaasa kumbuuza ahakya Sitaane oku ari orikumuhunda, kwonka ago n'Amazima. Sitaane akamuhunda. Na hati naakikikora.

45 Ka ngire eki naabooreka omu Byahandiikirwe. Nintekwa kubagarura omu Byahandiikirwe, kandi mugire eki mwaihamu mwaba nimukireeba ebi.

Sitaane niwe orikureebwaho oburungi nk'obwo. Ku turaayetegyereze, niwe owaabaire aboneire ataine kabara okukira Baamaraika boona omu Iguru. Ekyo kihikire? Kandi akeetenga kukora Eiguru kuba omwanya murungi okukira obugabe bwa Mikaeli. Ekyo kihikire? Nabwo, kworeka ku Kaini yaabaire ari omwana we, akahayo okuramya okrikukirayo kubonera, yaatona amatambiro ge n'ebijuma n'ebimuri, n'ebindi. Ekyo kihikire? Okubonera! Ekibi kiboneire, eriigyenda eki turikweta okubonera. Kandi ekibi nikibeihabeihha, okurabira omu kubonera. Torikubaasa kureeba omukazi naatambura omu ruguuto rw'omu rurembo haza ngu omanye ekiri omu mutima gwe. Mwareeba? Kwonka nyenzire kugamba ebintu ebi kugira ngu mureebe ahabw'enki Sitaane ari orikuhunda omukazi. Ekyo kihikiire kimwe, omwana we wenyini akakihamya, Kaini. Hati, omukazi aboneire kugira ngu abaase kubehabeihha.

46 Ensi eboneire kugira ngu ebaase kubehabeihha. Nimmanyisa kosmos, entebeekanisa y'ensi. Eboneire kugira ngu ebaase kubehabeihha, emyanya mirungi mihango n'okujarama.

Mwijukye nabi, Amosi, obu yaarugireyo kandi akanaga amaisho aha rurembo, kandi akareeba ruri nka Hollywood y'eriigyenda, amaisho ge agakuzire makye gakeeyongyera kuba makye, ahansi y'eryo ishokye ry'enju nirireereetera aha buso bwe. Akashuumayo n'Obutumwa, kandi Yaabubabuurira omuri ogwo mwanya. Akagira ati, "Ogwo Ruhanga wenyini ou murikugira ngu nimuheereza, naija kubahwerekyereza!" Ekyo kihikire.

Ekibi kiboneire. Bateera ekishushani kya Yuda nka ntalo-yaago okuzire ori aheeru hanu aha ruguuto rw'omu rurembo ahantu nanka, n'emina eyashami harimu enshohera, n'ebindi, ngu ni Yuda. Yuda akaba ari omushaija oboneire, oine amaani, omubeihi. Tari mushaija ow'omuringo ogwo okuri haihi ow'okwerinda, tari mushaija (omuhingi okuzire) orikutaahamu ajwaire ovoro, ow'okwerinda haihi n'omukazi waawe; n'ogwo ow'emishono, niwe ekyatsire.

Ekibi kiboneire omu maisho g'ensi, kwonka Ruhanga tareeberwa omu kubonera kw'omuringo ogwo. Ekyo murakimanyire? Ruhanga areeberwa omu micwe, emicwe mirungi.

47 Omuri Baiburi, Isaaya 53, mwaba nimwenda kuhandiika ekyo Kyahandiikirwe. Kiine enyiriri z'Ebyahandiikirwe ezhahandiikirwe aha rubaju hanu aharikyo. Isaaya 53, Baiburi ekagamba ahari Mukama waitu Yesu, ngu, "Akaba ataine oburungi ngu Tumwetengye. Kandi nk'ou abantu batinisa amaisho." Ekyo kihikire? Tituramwetengire, ahabw'okuba akaba ataboneire. Shana Akaba ari omushaija mukye, oine amabega agarikubundabunda, aine aha maisho aharikutukura, kandi akaba atarikwetengwa kuba omwebembezi. Akaba atarikureebeka nk'omwebembezi. Agamba n'emigambire ya butoosha, n'ebindi nk'ebyo, nk'oku abantu bakora,

abantu b'obutoosha, mbwenu n'ahabw'ekyo Tarareebekire nk'omuntu omukugu omu kwega, oyegire, orikureebeka gye, weena ajwaire eiganduura, na buri kimwe. Akaba ari omushaija w'obutoosha. "Akaba ataine oburungi ngu Tumwetengye." Akaba aija omu bantu kandi ashohora, omuribo, nangwa tibarabaasize kumanya Ou yaabaire Ari. Tarareebekire nka ruhanga orikutambura aho, eki twakuteekateeka ngu ni ruhanga. Kwonka, nabwo, Akaba ariwe!

48 Mureetegyereize obu Mukama Ruhanga ya-yaagambira Samueli, "Inamuka oze omu ka ya Yese kandi oshukye amajuta ahari omwe omu batabani be, omugabe, kuza omu mwanya gwa Saulo."?

Hati, abantu bakatoorana Saulo, kandi obwo Samueli yaabaire buzima abagambiire okutakikora. Akagira ati, "Ruhanga tarikwenda ngu mugire omugabe; Niwe Mugabe waanyu." Kandi yaagira ati, "Hariho obu naarabagambiire ekintu, omu Iziina rya Mukama, ekitarahikiriire? Naarabashabiriize esente nari ekintu, eky'okumbaisaho?"

Baagarukamu bati, "Ngaaha, tokatushabiirizaga esente. Kandi kyona eki waabaire ogamba, omu Iziina rya Mukama, kikahikiirira. Kwonka nabwo nitwenda omugabe, oku biri kwona," n'ahabw'ekyo baatoorana Saulo. Mureebe eki ensi yaatooreine! Mureebe eki Israeli yaatooreine! Israeli, abashukirweho amajuta ba Ruhanga, bakatoorana omushaija owaabaire naakira abantu boona aha mutwe omu ihanga, baamugarukira aha ibega; rugambwa, muhango, orikureebeka gye, omushaija oboneire kureebwa, kandi burijo akaba atuura ari obukomooko bw'emirabanamu aharibo.

Kwonka Ruhanga akagira ati, "Naaza kubatooranira omugabe ou Nyetoraniire." N'ahabw'ekyo Yaagira ati, "Samueli, tindikwija kukugambira ou ari, kwonka inamukayo. N'omwe omuri batabani ba Yese."

49 Kandi Yese, omukazi we, n'abandi boona baareeba okwetooroora aho, baagira bati, "Eego, mutabani waitu omukuru, ni muhango, muraingwa, omushaija oboneire, ekirunga ky'omugabe nikija kumuboneza. N'omunyabwengye. Ayegire. Aboneire. Nimmanya ngu naija kuba ohikire. Ebigambo bye naabyatura gye."

Ku baamureetsire omu maisho, Samueli yaakwata eihembe ry'amajuta yaaza ah'ari. Yaagira ati, "Ngaaha, Mukama amwangire." N'ahabw'ekyo yaabarabamu, boona abaana mukaaga, kandi Mukama yaayanga buri omwe omuribo. Yaabuuza ati, "Tihariyo ondijjo weena?"

"Oo," yaagarukamu ati, "eego, hariyo omwe, ari enyima aheeru okwo naariisa entaama. Ashutama okwo kandi ateera ebyeshongoro aha nanga, kandi abyeshongora, kandi ateera akaari, kandi agumizamu. Kwonka, ni muto oine amabega agarikubendabenda, omutsigazi orikwera aha maisho, takaabaasa kuba omugabe."

Yaagira ati, "Irooko omureete." Kandi Daudi ku yaizire omu maisho ga nabi, nabi yairuka n'amajuta kandi yaagashuka aha mutwe gwe, yaagira ati, "Ogu niwe otoorainwe Ruhanga." Ataboneire; kureka engyesho. Ruhanga areeba engyesho.

50 Abantu bareeba aha burungi bw'obuhangwa. Nibubeihabeiha. Kandi egoyi nshonga eyatumire omukazi yaaheebwa obwo burungi, kubehabehiha, kubehabehiha. Omukazi murungi, ku araabe atabukoreise omu muringo oguhikire, n'omukyeeno ahariwe; oburaamutware okuzimu juba munonga okukira ekindi kintu eki ndikumanya. Ku ara . . . Ku araabe naabaasa kuba murungi, buzima, obwire bwona yaaba naabaasa kuguma na iba kandi akakora ekihikire, kandi ekyo-ekyo ni kirungi kandi kihikiire kimwe. Kwonka naabaasa kutwara ekyo kintu nikyo kimwe kandi, mugyensi, ka naabaasa kububeihabeiha, ahakuba akabuheebwa kukora ekyo.

Mureebe, hati, kwonka Ruhanga areeberwa omu ngyesho. "Yesu akaba ataine burungi ngu tumwetengye," kwonka hakaba hatakabahoga omuntu w'engyesho Nkawe, omu nsi.

Hati nitureeba, ebiro ebi, ngu e-engyesho z'ekanisa, Sitaane n'ekibiina kye, basherura ebihango, amakanisa marungi, ebintu birungi. Ebyo nibyo ensi ereeba ebiro ebi. "Oo, n'omuriisa, obwire nanka na nanka bukur, nanka na nanka, omusaserdooti buzima kandi orikutiina Ruhanga, ashohore ajwaire eganduura ye mpango, n'ebintu nka batyo." Ekyo nibakyeta oburungi.

Kwonka abarikwera b'amazima ba Ruhanga basherura engyesho z'Ekgambo ekihamiibwe.

Ekyo nikyo abarikwera baakozire ebiro ebyo, ku baareebire Yesu. Akaba atari kintu ky'okureebwa, kwonka bakareeba ngu Ruhanga akaba Amurimu. Bakareeba ngu Ruhanga akaba ari Nawe.

51 Okwo nikwo abo, Yoabu hamwe n'abo abaabaire bari na Daudi, omushaija mukye okuzire, kwonka bakareeba o-omuntu ori omuriwe. Bakareeba ku Ruhanga yaabaire ori omuriwe, kandi baamanya ngu akaba naaza kwema aha ngoma ekiro kimwe. Baka . . . Omwe omuribo akaita barumuna ba Goliasi bataano, we wenka. Omwe akaita abashaija magana ashatu; obu abakazi baabaire nibakuura ebihimba bya kyakiro, kandi eihe rikaba ryagyenzire, reero yaakwata eicumu kandi yaita abashaija magana ashatu, Abafelistia. Engyesho! Ahabw'enki? Bakagumira kimwe na Daudi. Bakamanya ngu okushukwaho kukaba kumuriho, kandi bakamanya ngu akaba naaza kwema aha ngoma.

Ekishushani ekihikiire kimwe ky'egyo Kanisa y'ebiro ebi erigumira kimwe n'Ekgambo! Nitumanya ngu Neija kuhamibwa. Nitumanya ngu Neija kuheebwa obushoboorozi eizooba rimwe. N'obu Saulo . . . Kandi akaba ari

empungi omu mahanga agandi goona, kwonka bakamanya ngu akaba naaza kwema aha ngoma. Nitumanya ngu Naija kwema aha ngoma, nawe, n'ahabw'ekyo nitukwata ekyo Kigambo kandi twemerera hari, n'obu haakubaho ki. Ku kiraabe nikyetaagisa kutema Abafalistia, nari kugurukira omu kiina kandi tukaita entare, nk'oku omwe yaakozire, nitugyenda oku biri kwona, 'habw'okuba n'o . . . okwo nikwo Ruhanga yaakitebeekaniise ngu kibe. Itwe tusherura engyesho.

52 Hati noobaasa kumbuuza oti, "Ahabw'enki Yaikiriize ngu omukazi akorwe atyo?" Tindikwenda kutwara obwire bwingi, 'habw'okuba nyine bingi munonga eby'okugamba hanu. "Ahabw'enki," ekibuzzo obwo nikibaasa kwimuka, "ahabw'enki Ruhanga yaahangire omukazi omuringo ogu? Ahabw'enki yaikiriize ngu omukazi abe atyo?" Kikaba nk'oku Yaasiimire omu kukunda Kwe Wenka.

Hati, ku muraabe nimwenda kubiikuura omuri Baiburi zaanyu ahabw'edakiika emwe, ka tubiikuure Abarooma 9, ahabw'edakiika, kandi mboorekye ekintu, oku Ruhanga akora ebantu ebi, ku muraabe nimwenda kukishoma. Kandi nitubaasa kureeba hanu eki Ruhanga akora omu kusiima Kwe wenka nk'oku Akunda. Abarooma 9:14.

Mbwenu tugambe ki?

Tuti, omu mitwarize ya Ruhanga habamu okutainganisa? . . .

Ku Yaatooraine Esau, nimmanyisa akatoorana Yakobo kandi yaayanga Esau, obwo abo boojo batakabaasize kugira obugabe bw'okwecweramu, we wenka, n'obu yaakuba omwe omuribo; batakazairwe, bakiri omunda ya nyina, Ruhanga akagira ati, "Ninyanga Esau, kwonka Ninkunda Yakobo." Mwareeba? Ahabw'enki?

Ahakuba Akagambira Musa ati: Ndyasaasira ou ndisaasira, kandi ndyagirira embabazi ou ndizigirira.

N'ahabw'ekyo tikirikwegamira . . . kweyendera kw'omuntu, nari . . . obweziriki bwe, kureka okusaasira kwa Ruhanga.

Nimumanya ngu, omu Byahandiikirwe Ruhanga akagira Faraho ati: Eki naakwemekyeire n'okukworekyeraho amaani gangye, ngu eiziina ryangye rigambwe omu nsi zoona.

Nikwo asaasira . . . (hati mureebe hanu) . . . ahakuba a . . . asaasira ou ayenda kusaasira, kandi agangaaza omutima gw'ogwo ou ayenda ngu gugangaare.

Mbwenu noiya . . . kumbuuza oti: Ahanki Naakibarira abantu . . . ebishobyo? Kandi n'oha owaakubaasa kuzibira ebi Arikwenda?

Beitu shi, iwe omuntu, niiwe oha orikwitsa ekiniga Ruhanga? Ekibumbirwe nikibaasa kubuuza owaakibumbire kititi, Ahabw'enki okambumba oti?

Omubumbi taine obushoboorozi aha ibumba omu mugoma gumwe kubumbamu orwabya rumwe rw'okukoresa eby'ekitiinisa, n'orundi rw'okukoresa ebirikwitsa enshoni?

Mbwenu Ruhanga, ku araabe yaayenzire kworeka ekiniga kye, n'okumanyisa obushoboorozi bwe, nikiita ki We okugumisiririza . . . n'embabazi Ze nyingi enyabya ez'ekiniga ezaateekateekyeirwe okuhwerekyerera;

. . . ngu abone kworeka obutungi bw'ekitiinisa kye aha nyabya ez'okusaasirwa ezi yaateekateekyeire ekitiinisa okuruga ira.

53 Hati teera empaka n'Ekyo ahabw'akacu kakye. Ruhanga akakikora! Kikaba nikimwetaagisa kukikora omuringo ogu. Kikaba nikyetaagisa kubayo. Hati muhurikize hati nk'ahabw'edakiika itaano, hariho eki ndikwenda kubooreka.

Ruhanga niki? Ruhanga ni Otahwaho omukuru. Bwa mbere na mbere, enyima munonga hatakabaireho okutandika, Akaba nangwa atari Ruhanga. Ekyo murakimanyire? Ruhanga ni "ekintu eky'okuramibwa," kandi hakaba hatariho eky'Okumuramya. Akaba atuura wenka.

Kandi Omuriwe hakaba harimu ebimukozire. Ekimukozire niki? Ekiteekateeko. Hati nimwija kutunga ekintu ekiraije kuba nikyenda kushushana n'eishomo ry'ekiro eki. Mwetegyereze, Akaba ari Ebimukozire ebyabaire biri Omuriwe. Hati, kikaba Kimurimu kuba Ishe, kikaba Kimurimu kuba Ruhanga, kikaba Kimurimu kuba Omwana, kikaba Kimurimu kuba Omujuni, kikaba Kimurimu kuba Omutambi. Kandi ebantu ebi byona hanu nibyoreka Ebimukozire. Tihariho ekitari omu buteeka. Nimuteekateeka ngu Ruhanga tarareebire omuheru omu kutandika? Buzima, Akagureeba. Tihariho ekitari omu buteeka, nikyoreka Ebimukozire.

54 Hati, Takaabaasa kuba ow'oburingaanisa haza akareeterera omuntu kugwa. Akaba ashemereire kumuta aha kwingana kumwe, obugabe bw'okwecweramu, okweshariramu, kwonka arikumanya ngu naaza kugwa.

Hati, Tarikubaasa kuba Omujuni kureka haaba hariho ekibuzire. Tarikubaasa kuba Omutambi kureka haaba hariho ekirwaire. Ebantu ebi bikaba bishemereire kuba bityo. Ruhanga akabikora atyo kugira ngu ebikuru Ebimukozire bibaase kworekwa. Ekyo kuri kitarabaire kityo, Akaba atariba Omujuni. Kwonka nitumanya ngu

Akaba ariwe, nangwa hatakabaireho n'obwire, Akaba ari Omujuni. Akaba ari Omujuni, n'ahabw'ekyo hakaba nihateekwa kubaho ekintu ekyabura. Nikiza kubaho kita?

Ku Araatware kandi akakibuza, kugira ngu akijune, obwo tikiri omu buringaanisa Bwe bw'okucwamu emanja. Takaayohereize omuntu gehena, haza ngu abe omwingaanisa. We ni ow'embabazi, orikutwaza gye, ow'amazima, omwesigwa, kandi We n'Omuramuzi mukuru. Mwareeba, Akaabaire Naayehakanisa.

N'ahabw'ekyo akaba ashemereire kuta omuntu aheeru hanu, kandi amuhange aine obugabe bw'okweeweramu, nikwo omuntu abaase, arikumanya, ngu naaza kugwa; kandi omuntu, omu Kushushana Kwe, akaabaasize ata kugwa? Hati nimureeba Ekyererezi kya nyomushana? N'ahabw'ekyo, Akaba ashemereire kukora ekiihirwe omu kindi, ekiihirwe omu kyahangirwe omu kutandika. Hati nimukireeba? Mwareeba? Nikyo ekyo. Mwareeba? Reero, ekkyo nikyo ekyagwire. Akakikora, arikumanya ngu kikaba nikiza kugwa. Kandi kitairwe omu mikono ya Sitaane, kuba orwabya orutarikuha kitinisa. Ekitiinisa kitairwe nkahi ebiro ebi? Ekkyo mukiteekateekyeho. Mwetegyereze kurungi hati.

55 Kandi omurundi ogundi, ahaw'enki omukazi yaakozirwe omu muringo ogu kandi atari nk'ebindi bikazi, ahaw'enki omukazi yaakozirwe atyo haza atari nk'ebindi bikazi? Tihariho ebendi bikazi ebyakozirwe bityo. Tikwo biri, eriizooba. Tibirkubaasa. Ahaw'okutakorwa omuringo ogwo, omukazi tarikubaasa kukikora. Mbwenu ahaw'enki Atarahangire ekikazi eki, omukazi, nk'ebindi bikazi, kugira ngu abe nk'ebindi, abaase kurera abaana be? Obwo akaabaire na iba, kandi abaho; kandi obunaku bw'omukazi kutunga omwana bwahika, amutunga. Ahaw'enki, ahaw'enki Ruhanga yaahangire omukazi omu muringo ogu?

Tindikubaasa kugamba ebigambo ebi. Kandi nimwetegyereza eki ndikugambaho, tikwo? Ku muraabe nimwetegyereza, mugire muti "amiina." [Abateeraine baagira bat, "Amiina." -Omur.] Yee. Mwareeba? Hanu hariho abaihiki bato abashutami, n'aboojo bato, mwareeba. Kwonka nimumanya, enyamaishwa eine kuhika omu bwire nanka bw'omwaka, na ngyenzi yaayo, obwo kihwere aho. Kwonka, omukazi, n'akaire koona. Kandi ahaw'enki Ruhanga yaahangire omukazi ati?

56 Hati mureebe entebeekanisa Ye nkuru neeshwekurwa, obwo twaba niturabamu hanu hati, kihikiire kimwe nk'oku okuhika kurikubaasa kuba. Eki mbaire ntarikukimanya okuhitsya ekiro kiri.

Ahabw'enki Ataramuhangire atyo omu kutandika, nk'ebindi bikazi Bye? Ahaw'okuba kikaabaire kitahikire Ahariwe. Niwe Nshuro y'okushemera kwona. Egyo niyo nshonga eyaatumire yaikiriza Sitaane kumukoraho, eki sitaane yaakozire omu kukiikamya. Ekihangirwe nk'ekyo kikaabaire, tikiabaire kihikire Ahariwe, eki kyakoreirwe.

Emirimo Ye yoona ei Yaakozire, omu kutandika, neegumizamu etarikuhinduka. Emirimo Ye yoona eyaabandize ekaba neegumizamu etarikuhinduka. Embwakazi, empwarume; mwareeba, ejigija, enim; buri kintu nikigumizamu kitarikuhinduka. Obuhangwa bwona nibugumizamu butarikuhinduka. Embibo efa, eza omu itaka; nk'okuwa, okuziikwa, okuzooka. Orwizi rw'ebimera ruruga omu muti rushuma ahansi, guragaza amababi gaagwo, rugaruka omwaka ogwakurataho n'okuzooka kw'amababi masya. Nimureeba eki ndikumanyisa? Buri kintu, nangwa n'obuhangwa, bwa Ruhanga, nikigumizamu kitarikuhinduka, omuri kimwe; kwonka hanu hariho kimwe ekikozirwe aheeru y'okugumizamu kwa Ruhanga. Eby'obuhangwa bikozirwe omu buryo kugira ngu bitakora ekibi. Muteekateekyeho! Ebihangirwe ebyabandize, bya Ruhanga, bikaba bitarikubaasa kukora ekibi.

Oo, timurikukireeba hati, omu kirikureebwa eki hanu, okukiikama kw'ekanisa? Ekyabandize n'Ekgambo kya Ruhanga! Omuri Ruhanga tiharimu kibi. Nimureeba eki ndikumanyisa? Hanu hariho ekihangirwe ekyarugire omu kukiikamya. Ruhanga naija kugira Ekanisa, kwonka mureebe ekintu eki ekikiikami eki baine aheeru kuriya.

Ruhanga aine ekishajja n'ekikazi. Kwonka, omukazi ogu, mwareeba, obubonero bwakyo bwonyini nibworeka ekyabaire kiri omu biteekateeko bya Ruhanga. Nitubaasa kumara eshaaha emwe, nari ibiri, haza tukishoboorore gye. Omukazi, Ruhanga akakora ekihangirwe eki ahaw'omuringo ogwo, Akakora ekihangirwe eki bwanyima yaakireka kugira ngu Sitaane abaase kuhika aha mukazi, kandi Sitaane akabaasa. Na hati Sitaane akimwine. Kikaabaire kirungi omukazi ahungire aha Musharaba, nk'omushajja, nawe.

57 Mureebe, ebihangirwe byona nibigumizamu bitarikuhinduka. Kuri Yaahangire omukazi omu kuhanga nikwo kumwe okwabandize, tihakubaireho ekibi, ahaw'okuba omukazi takaakikozire, takaakikozire. Omukazi n'okukiikamya kw'okuhanga okwabandize.

Nikwo n'ekibi kyona kiri okukiikamya kw'Amazima agaabandize! Ekishuba niki? N'Amazima agakiikami. Okushambana niki? N'ekikorwa ekihikire kyakikamisibwa. N'ahabw'ekyo nkikyo ekihangirwe ekikiikami, nkikyo ekintu kyona kikiikami. Kandi ekintu kyona nikigaitururwa e-k-i-b-i, kiriyaho kibyami. Egyo niyo nshonga ahaw'enki ekibuuozo kiri kikuru munonga.

Akacweka kusha, akashate, akahirwe omu mushajja, kumubeihabeija; Ruhanga akakakora, hanu honyini haakihamya. Ekkyo nikyo omukazi yaahangirwe.

Omukazi w'emicwe mibi nikyo kintu ky'ahansi ekirikubaasa kuteekateekwaho, omu nsi. Musaasire ahari eki, bakyara bato 'mwe. Tari kindi kureka n'omuntu ori ekidebe kya kasasiro, orikworeka obwamaraaya. Ekkyo nikyo

ari, omukazi w'emicwe mibi, n'omuntu ori ekidebe kya kasasiro, okurofahaza, ahu okusisiikara, enziro, emicwe mibi, oburofa bw'ahansi niwe orikubireeta. Ahabw'enki yaahangirwe omu muringo ogu? Kubeihabeiba. Buri kibi ekirabaireho omu nsi kikareetwa omukazi.

Kandi omushoronz wa Chicago, o-omukazi akahandiika ekihandiiko eki, ekitongore kya poriisi; ngu bakakuratirira, omuri Amerika, omunda y'eihanga rya Amerika, ngu "Emishango y'okuhenda amateeka makumi mwenda na munaana ahari igana eyaarakozirwe omu buryo bwona, omuri Amerika, hakaba harimu omukazi nari ari enyima yaayo."

Hati ningamba ebi byona, kugira ngu mpikye aha kintu kimwe aha muheu hanu, kugira ngu mureebe enhongga.

58 Akahangirwa kubeihabeiba, nk'oku yaakozire Adamu omu kutandika, yaamugambira ngu ekijuma kikaba nikishemeza, n'ebindi, kumubeihabeiba n'okumwiha aha Kigambo. Okwo nikwo ekanisa erikukora ebiro ebi, ekintu nikyo kimwe.

Kwonka mbwenu, ahanyima y'ekyo, omushaija akaba omutegyeki w'omukazi, kumutegyeka.

Hati ka n'eky'omutaano ebiro ebi, ebiro ebi eby'okuteekateeka. Omu mwanya gw'omushaija kuba omutegyeki w'omukazi, omukazi ahindukire ruhanga we. Buzima, omukazi naamutegyeka. Hati obundi nimubaasa kwetegyereza eki ntwire nimpamisiriza. Ahabw'oburungi bwe n'okutegyeka eby'okuteerana kw'omushaija n'omukazi, n'ekyemerero kye eki Sitaane yaamuhaire, ekihiirwe omu kindi eki Sitaane yaakozire, omukazi atumirwe kubeihabeiba abaana ba Ruhanga. Kandi omukazi naabaasa kutwara gehena baangi omuribo okukira ekindi kikozeso kyona eki Sitaane aine. Ekyo kihikiire kimwe.

Ningamba aha b'emicwe mibi hati, atari imwe ab'eishe-emwekaza. Nituza kubaha omwanya gwanyu, omwanya gwanyu oguhikire, omu dakiika nkye, omu Kigambo kya Ruhanga hanu. Ekaba eri entebeekanisa ya Ruhanga okuruga omu kutandi-kutandika.

59 Hati okukora eki eriizooba, ruhanga wa Amerika n'oha? Nimwijuka omuri tabirinaakuru emyaka mingi ehweire, nkabuurira ahari ekyo? Ruhanga w'eriigyenda, omukazi mukye w'omutindo oshutami hariya ojwaire engoye ngufu munonga n'eishokye erishazirwe oyesiigire erangi aha maisho, kandi n'ekiteeteeyi akikurwire ahaiguru y'amaju ge, n'ebindi nk'ebyo. Nkagira nti, "Reeba ruhanga waanyu!" Kandi ekyo kihikire, omukazi ari ahari buri kurangirira kwona, ari nk'ojwaire busha. Ari omu nguuto z'omu rurembo, omu muringo nigwo gumwe.

N'ekikozeso kya Sitaane, "okuruga omu kutandika," nikwo Yesu arikugira. Mwareeba? Nitureeba ngu nikwo kiri hati, kandi "okuruga omu kutandika," kandi n'eki Arikugambaho.

Hati, abatamanya Ruhanga bakaba omukazi bamuhinduramu ruhanga, (ekyo mukaba murakimanyire?) ruhangakazi. Buzima bakaba bakikora. Bakaba omukazi bamuhinduramu ruhanga-kazi, ahakuba bakaba bakora eby'omubonano omu kuramya kwabo. Bakaba bagira ngu, "Omukazi akaba ari omuhangi. Omuri nyinenda ye akaba ainemu embibo kandi ahanga." Ekyo n'ekishuba. Hariho Omuhangi omwe, kandi ogwo ni Ruhanga. Kwonka nimwijuka Paulo okwo? "Diana, owa Efeso," ekishushani ekibaizirwe omu rukiri, bati, "ruhanga-kazi w'Eiguru, akakinaga ahansi." Timurikureeba okuramya kw'abatamanya ruhanga oku kuri?

Kandi itwe, turarikukimanya, nitugarukira kimwe omu kuramya kw'abatamanya Ruhanga ogundi murundi, abakazi, ekihangirwe ekirikukirirayo kimwe kuba ahansi omu nsi, okuramya abakazi! Naija kutwara omushaija hoona ahu yaasiima. Kandi atarikumanya, oburungi bwona obw'aharuguru, ngu okuzimu eri omunda. Sulemaani akagira ati, "Omukazi, amarembo ge, n'amarembo agarikuza okuzimu."

60 Hati nitureeba butunu hanu eki Yesu yaagambireho omu kitabo ky'Okushuuruurwa, eshuura ya 2 n'omushororongo gwa 15, enyegyesa y'Abanikolaiti, okwo kwija kw'egyo kanisa erikwekurura neeruga aha Kigambo.

Nabwo nitureeba hanu, butunu, ezi ntebeekanisa ezirkwitsya enshoni, ez'obutatiina Ruhanga, endofa ezi twine ahari televijoni, abakazi maraaya abarikurigirwa munonga aba Hollywood. Nitubaasa kureeba okusiisikara kw'orurembo oru, nk'oku abaana aba, abaishiki bakuru abakte, nibanyegyera nibashuma omu ruguuto rw'orurembo hanu, n'obujwaro bukye, obubanywerize, nibeetogonyora, kandi obwo obufuki nibubaasa kubaita. Tibarikumanya ngu ogwo ni Sitaane orikukora ekyo. Omwoyo mubi gubarimu, kandi tibarikukimanya! Tookareeba embwakazi neekora ekyo, muraagireebire? Timukareebaga ekindi kikazi nikikora ekyo, kandi hatagira omushaija owaagyezaho kuza haihi n'ogwo mukazi, nabwo.

61 Mwareeba, hati mwatunga ekishushani? Nituza kwanjura ekintu omu kaanya kakye, Mukama yaakikunda.

Hati mureebe Abanikolaiti, mureebe enyegyesa yaabo.

Nitureeba abaishiki b'eminyeeto abarikurigirwa munonga, nikwo babeeta, aba abagyenda bari nk'abajwaire busha. Kare okaba obanza kukiikama aha rubaju kureeba filimu erikwitsa enshoni, kureeba abakazi abari nk'abajwaire busha. Igura amaisho gaawe kusha, reeba omu ruguuto rw'omu rurembo, nikyo ekyo kyonka eki orikwetaagisibwa kukora hati. Ekintu kyona n'abakazi abari nk'abajwaire busha. Buzima. Ahabw'enki nibakikora?

Okuteganisa, okwosyosya, ekyo nikyo kintu kyonka eki omukazi arikubaasa kukikorera. Akikora ahabw'okuba n'osiisikaire. Akikora ahabw'okuba ahangirwe atyo. Tarikumanya ngu we n'ekikozeso ekiri omu mikono ya Sitaane, kandi ekyo nikyo omukazi ari.

Nangwa n'omu mashomero gaitu ebi, nibeegyesa ebikorwa by'okuteerana kw'abashaija n'abakazi omu by'omubonano. Ensi yaitu ejunzire y'okuramya omukazi! Nimmanya ngu ekyo tibarikwenda kukiikiriza. Yemerera haza ogire ekyeshongoro ky'okuhimbisa Ruhanga eki waayeshongora, kandi n'ebindi k'ebyo, ekiro kimwe; kandi aheeru n'abakazi, okutoora oku n'oku, ekiro kyona. Mwareeba? Ni kirungi. Kandi, omu maisho ga Ruhanga, Ekigambo, omukazi niwe orikukirayo ahansi omu nyamaishwa zonna ezi Ruhanga yaataire omu nsi. Mureebe.

62 Egyo niyo nshonga etuma Ruhanga yaamuzibira kwegyesa Ekigambo Kye. Ekyo kihikire. Timoseo y'Okubanza 2:9-15, "Ahakuba tindikwikiriza mukazi kubuurira, nari kutegyeka." Mwareeba? Kandi n'omu kitabo ky'Abakorinso y'Okubanza 14:34, "Abakazi baanyu bahuname omu makanisa, ahakuba tibarikwikirizibwa kugamba, ahakuba nibaragiirwa kuhunama; nk'oku Ebiragiro nabyo biragiira." Kwonka, ebiro ebi, ekanisa nizikora ki? Nizihindura abakazi abariisa, ababuurizi b'engiri b'aheeru, kandi Baiburi erikukizibirira kimwe. Kandi Baiburi ekagira ngu, "nk'oku Ebiragiro biragiira," nikikireetera kugumuzamu kitarikuhinduka, ekintu kyona.

Nk'oku Omwana gw'Entaama abaire ari, nyomwabazyo, omwanya gwonka gw'okuramizamu, ahansi y'Eshagama y'Omwanan gw'Entaama eyaaseesirwe. Nigwo mwanya gwonka ebiro ebi, omuri Kristo. Omuhanda gumwe gw'okukora n'okwija Ahariwe. Ogwo nigwo mwanya gwonka gw'okuramizamu. Nikwo kitwire kiri. Omwanya gwonka ogw'okuramizamu ni ahansi y'Eshagama eyaaseesirwe.

63 N'ahabw'ekyo nitureeba ekishushani kyona nikitushwekuuirwa. Ngugwo omukazi aho. Niyo nshonga Ruhanga atarikubaasa kumwikiriza kubuurira, atarikumwikiriza kukora ekintu kyona omu kanisa kureka okushutama ahunami n'aha maisho hatwekyereire.

Hati nimubaasa kureeba ahabw'enki ngambire ebintu kandi nkakora ebintu ebi nkozire, ndikumanya ebi byona omu mutima gwangye, ow'eishe-emwe, ab'eishe-emwekaza? Nimmanya, ab'eishe-emwekaza, ni . . . mwine omwanya gwanyu (omu kaanya kakye), n'emicwe mirungi ei Ruhanga arikubaasa kubabumbamu. Kwonka niingyezaho kugamba aha rubaju ruri, kworeka ei buzima mwarugire, "omu kutandika." Yesu akatugambira kugaruka "omu kutandika," kukireeba. Ekyo nikyo turikukora.

Hati kinyetaagiise kugamba aha nshonga nkuru ahari bingi by'eki, kandi nyine amatsiko ngu nimukyetyegyereza. Kandi naimwe bantu 'mwe abaraije kuhurikiza orutambi rw'amaraka oru, nyine amatsiko ngu nimwija kwetegyereza. Mugarukye enyima. N'okworeka kwonka ngu Yesu akagira ati, "Mugarukye enyima, aha kutandika, kandi mureebe." Ebintu byona, mugarukeyo omu kutandika.

64 Nimubaasa kureeba, ebiro ebi.

Ahabw'enki, abantu, bagira ngu ndi orikwanga abakazi. Ekyo kiri hare n'Amazima. Tinyanga abakazi. Baanyeta, "Orikwanga abakazi!" Mwijukye, Paulo bakamweta orikwanga abakazi. Omukazi omubuurizi w'engiri, obwire bukye obuhweire, akagira ati, "Oo, ori nka Paulo owa ira, eki yaabaire akora kyonka kukaba kuri okutujunaana itwe abakazi."

Orikwera wa Ruhanga, owaikirizibwe kuhandiika Baiburi, Endagaano Ensyia, haza ohakanise Ebigambo bye? Akagira ati, "Na Maraika orugire omu Iguru ku yaakwegyesa ekindi kintu ekitari nk'Eki eki naagambire, akyeenwe," kaashwa omukazi omubuurizi.

Bakagira ngu Eliya akaba ari orikwanga abakazi. Akaba atari orikwanga abakazi, abakazi nyeikazi. Akaba atarikwenda Baayezzebeeli.

Kandi ekyo ku kiraabe kiri kityo, obwo Ruhanga naateekwa kuba ari ow'omuringo nigwo gumwe, ahabw'okuba We ni Kigambo ekyaziire baanabi. N'ahabw'ekyo naateekwa kuba Ruhanga, omuringo nigwo gumwe, n'ahabw'ekyo, mwareeba, Naamanya ebyahangirwe omu kutandika, "okuruga omu kutandika," Akagira ati, "okuruga omu kutandika." Bakaba bari baanabi abu Ekigambo kyaiziire.

65 Kandi Akahanga omukazi ahabw'omushaija, atari omushaija kuhangirwa omukazi. Murakimanyire ekyo, ngu, "Omukazi akahangirwa omushaija, kwonka atari omushaija kuhangirwa omukazi"? Ni bangahi abarikukimanya? [Abateeraine baagira bat, "Amiina." -Omur.] Ekyo Baiburi neekyegyesa. Ni kirungi. Omukazi akaheebwa omwanya omu mushaija, okugwa kutakabaireho, okwingana kuba ahaiguru y'ebihangirwe byona. Kwonka "ahanyima" y'okugwa, hati hanu nitureeta eky'okwegaho. Kwonka "ahanyima" y'okugwa, omushaija akaba omutegyeki w'omukazi, omukazi ashemereire kuhunama omu nshonga zonna, hati ahanyima y'okutandika okwabandize kuhwaho.

Yesu akagira ati, "Bwa mbere na mbere kikaba kitari kityo." Obwo nibwo obwire bwatandika, obu Ruhanga yaakikora omu kuhanga Kwe okwabandize. Boona abarikwetegyereza, mugire muti "amiina" omurundi ogundi. [Abateeraine baagira bat, "Amiina." -Omur.] Omu kutandika Ruhanga akahanga ekishaija kimwe n'ekikazi kimwe. Kwonka omukazi akahangwa ari ow'omutaano aha nyamaishwa, enyamaishwa ezindi zonna, kugira ngu abaase

kubeihabeiba. Hati mureebe hati, "Bwa mbere na mbere kikaba kitari kityo." Omukazi akahangwa, kuri yaagumire omu buteeka obwabandize, tiyaakureetsireho okugwa kwona. Kwonka akareetaho okugwa n'okuteganisa okwahenzire okugumizamu hatariho okuhinduka kwona kwa Ruhanga, kandi kwanaga omu nsi okufa, amaganya, na buri kintu. Omukazi ahangwa atyo.

66 Hati mwetegyereze hati "ahanyima" y'okutandika, ahanyima y'okutandika, ahanyima y'obwire kutandika; enyima omuri ekyo bukaba buri Obutahwaho, buhweire. Mwetegyereze, ahanyima y'okwo kugwa kureetwaho Haawa, ahanyima y'okugwa, kikaba nokyetaagisa kukora endijo ndagaano. Hati eki nikiza kubateesa entsibo, kwonka ninza kubaha Ekyahandiikirwe kuhamya ngu aga n'Amazima. Hati mureebe ahanyima y'okugwa, Yesu akagira ati . . . Ruhanga, omu kutandika, akahanga buri kintu omu muringo gwakyo; kwonka hati, ahanyima y'okugwa, hati niturenga ahari ekyo. Endagaano ekaba eri okwingaingana; kwonka hati, ahanyima y'okugwa, hariho endijo ndagaano eyaakozirwe. Hati omukazi takiri mutegyeki hamwe n'omushaija, buri omwe naateekwa kugira endagaano ye.

67 Hati ka tureebe ekyo ku kiraabe kihikire. Ka tukwate ekitabo ky'Okutandika 3, kandi tureebe eki ku kiraabe kihikire, hati twaba nitugumizamu, 'habw'okuba nitwenda kuhamiza kimwe ebintu ebi, byegyesiibwe kandi byashoboororwa gye buzima. N'ahabw'ekyo ekyo nitubaasa kuba hanu tukiine obwire bukye, 'habw'okuba tituri hare n'okuhendera hati, kuhika aha kicweka ky'okuhendera kw'eishomo eri, kworeka ahabw'enki na ki aha kushenda, n'ebindi. Hati omu kitabo ky'Okutandika eshuura 3, kandi nituza kutandikira aha mushororongo gwa 3, n'ogwa 16. Ka tutandikire aha gwa 14.

MUKAMA . . . yaagira enjoka ati: (hati Yaaza kugikyeena) ahabw'okukora-ahabw'okukora ekyo, waakyeenwa okukira . . . amatungo (g'ente) goona . . . n'enyamaishwa zonna ezo omu ishwa; kandi oryaguma ogyendese enda, orye omucuucu ebiro byona eby'amagara gaawe;

Kandi ndyata obuzigu ahagati yaawe n'ogu mukazi, n'ahagati y'oruzaaro rwawe n'orw'ogu mukazi; orwe ruryakuteera omutwe, naiwe oryaruteera ekitsintsii. (Okuragaanisa, "okurabira omu mukazi," Mesia, okucungura.)

Yaakubuukana omukazi, yaagira ati: . . .

Hati mureebe, hati hariho endagaano n'enjoka. Obwo, bikaba biri kurungi enyimaho, omu kutandika, nari okutandika kutakabaireho.

Yaakubuukana omukazi, yaagira ati: Ndyakanyisa munonga obusaasi bwawe (n'okubaka enda kwawe); kandi omu busaasi nimwo orizaarira abaana; n'okwetenga kwawe kuryaguma kube ahari baro; (kandi) aryakutegyeka, tihakirihio okwingaingana na kakye.

Hati omukazi ahindukire yaayetooroora, kandi niwe mutegyeki.

Kandi yaagira Adamu ati: Ahabw'okuhurira eiraka ry'omukazi waawe, okarya aha muti ogu (naakuragiire kutaryaho ninkugambira nti otariguryaho . . .), eitaka ryakyeenwa (ti Adamu waakyeenwa, hati) eitaka ryakyeenwa ahabwawe; oryaguma orihiemu eby'okurya obihendekyeire ebiro byona by'amagara gaawe;

Riryakumerera . . . amahwa n'amatojo; kandi oryaguma otungwe ebirikumera omu misiri;

Ebi orirya biryakutuutura aha maisho, okuhitsya obu origaruka omu itaka; ahakuba nimwo waihirwe; ahakuba (nimwo waargire) ori omucuucu, n'omu mucuucu nimwo origaruka.

68 Endagaano ibiri. Hati ekyo nikimariira "okutandika," eki Yesu yaagambire ngu "Bwa mbere na mbere kikaba kitari kityo." Twine endijo ndagaano hati. Mureebe, n'endijo ndagaano. Hati hariho endagaano y'ekyahangirwe, n'ekiihirwe omu kindi. Mureebe, okugwa kukareetaho okurabanamu, okufa, ahari buri kihangirwe ekyahangirwe, kyareetaho entaaniso omu by'obuhangwa byona. Hati ka tureebe eki Yesu yaagambire ahari, "bwa mbere na mbere kikaba kitari kityo." Hati ti "bwa mbere," hati ni "bwanyima" ya bwa mbere na mbere. Hati hariho endagaano ibiri.

Okubanza ekaba eri endagaano kwonka, Adamu na Haawa bakaba nibaingana, omushaija omwe n'omukazi omwe. Hati omukazi akashiisha, kandi (omukazi naakora ki?) ekyo boona kikabanaga omu kufa, kandi Ruhanga kikaba nikimwetaagisa kukora endagaano ahabw'ekyo, endijo ndagaano. Nkiki hanu hanu honyini omu kitabo ky'Okutandika 3:16, Akakora endijo ndagaano.

69 Hati ensi n'ey'okugaruka kwijuzibwamu abantu, atari okurabira omu kuhanga okwabandize kwa Ruhanga, nk'oku kyabaire omu kutandika, atari nk'omu kuhanga okwabandize, kureka okurabira omu kwetenga kw'okumanyana omu mubiri kw'omushaija n'omukazi. Hati ekyo nikishoboorora ekyo "bwa mbere na mbere," tikwo? Bwa mbere na mbere hakaba hariho omushaija omwe n'omukazi omwe bonka, ekishaija kimwe n'ekikazi kimwe; kwonka omukazi ku yaacwekaniise ogwo musitaari akareetamu ekibi eki, hati ensi n'ey'okugaruka kwijuzibwa, okurabira omu kuteerana kw'omushaija n'omukazi, atari omu kuhanga, okurabira omu kuteerana kw'omushaija n'omukazi. Nimureeba ahi omukazi ari hati, hati? Kwonka ogwo nigwo muringo ogu ensi erikwijuzibwamu abantu ebiro ebi, okurabira omu bakazi.

Egyo niyo nshonga eyaabaire neeyetaagiisa Yesu kurabira omu mukazi, kukigarura omu kutandika kwakyo ogundi murundi, kutari okurabira omu kwetenga kw'okumanyana omu mubiri kw'omushaija n'omukazi. Akazaarwa omwishiki oshugaine. Kwonka, haleluya, haryabaho obwire obu kitariba okumanyana omu mubiri kw'omushaija n'omukazi, kureka Ruhanga arayayeta abaana Be okuruga omu mucuucu gw'ensi, bagarukye bashushane nk'oku baabaire bari omu kutandika, atari okurabira omu mukazi weena; kureka okurabira omu kubumba kw'eibumba n'ekyererezi kya kozimiki, na peteroori, Aryagaruka ahangye nk'oku yaahangire Adamu omu kubanza. Yesu akatuma eki kyabaasika, ahabwa Ruhanga kwehindura Omuntu kandi yaja omu nsi kugira ngu Abaase kufa, kurabira omu mukazi ogu. Hati obu n'obwire bw'okugyezibwa, n'ekibi.

70 Hati obwo nimureeba, “ahanyima” y'okutandika, n'ekindi kintu ekyareetsirwemu. Hati eki nikiza kubakangaranisa. Muruhire? [Abateeraine baagira bat, “Ngaaha.” -Omur.] Mushutame muteekeine akaanya kakyebo.

Reero endagaano y'emirundi ebiri ku yaakozirwe omushaija n'omukazi, okurabira omu kuteerana kw'omushaija n'omukazi, endijo ndagaano buzima (etari endagaano eyaabandize, kureka endijo ndagaano), hati n'enki ekyareetwamu? Okugira abakazi baingi, omuri byona. Bwanyima, ahanyima y'okutandika, okugira abakazi baingi kukareetwa omu bantu n'omu nyamaishwa; ahanyima y'okutandika, y'okugwa. Ruhanga hati, kitaraariire, yaataho obuhangwa busya ogundi murundi, okurabira omu kumanyana omu mubiri kw'omushaija n'omukazi. Ruhanga akahanga ebyabandize hataraho kumanyana omu mubiri kw'ekishaija n'ekikazi. Ekyo nimukiikiriza? [Abateeraine baagira bat, “Amiina.” -Omur.] Hati n'endijo ndagaano aha by'obuhangwa, Naabita omu buteeka obundi, okurabira omu kumanyana omu mubiri kw'ekishaija n'ekikazi. Endagaano ya kabiri: ekishaija kimwe, ebikazi bingi; engabi emwe y'enshajia, omuyooro gw'engabi z'enkazi. Ekyo kihikire? Enimi emwe, omuyooro gw'eigana ry'ente, ejigija; enshaaki emwe, embuga ejewire enkokokazi. Ekyo kihikire? Daudi omwe, ori nk'omutima Gwe oku gurikwenda, aine abakazi magana ataano; omu mwaka gumwe, akazaara abaana igana, aha bakazi abatarikushushana, omushaija ori nk'oku omutima gwa Ruhanga gurikwenda. Sulemaani omwe, aine abakazi rukumi. Kwonka hati mwetegyereze, bwa mbere na mbere kikaba kitari kityo, kwonka hati ni “ahanyima” ya bwa mbere na mbere. Omukazi akozire eki, n'ahabw'ekyo naaba eki ari hati. Mwareeba?

71 Daudi, omugabe owaabaire naashushaniriza Kristo! Ekyo mukigumye omu biteekateeko byanyu. Daudi akaba naashushaniriza Kristo. Ekyo nimukiikiriza? [Abateeraine baagira bat, “Amiina.” -Omur.] Kristo ashutami, aryashutama aha kitebe Kye ky'obukama. Kandi Daudi ogu, omushaija ori nk'oku omutima gwa Ruhanga gurikwenda, akaba aine abakazi magana ataano. Nimureeba eki ndikumanyisa? Daudi n'abakazi be magana ataano, Sulemaani na rukumi rwe. Kandi Sulemaani n'omwana wa Daudi, omu mubiri; naashushaniriza Yesu Kristo, Omwana wa Daudi, omu by'omwoyo. Kwonka ebyo n'ebi'omubiri, amagara g'okumanyana omu mubiri kw'omushaija n'omukazi. Oku nikuza kuba okw'omwoyo, kuhangwa. Ahabw'enki? Kuhangwa. Mwareeba, okwo nikwo kyabaire kiri bwa mbere na mbere, kwonka atari omu magara aga agu tutwiremu hati.

Mureebe, eki mutakifeerwa hati, kyona mukitaahize kimwe omu mitima yaanyu. Kwonka tihariho n'omwe omuri abo bakazi owaakubaasize nangwa n'okugira iba ondijo. Omushaija niwe kihangirwe ekyabandize, atari omukazi. Tihariho n'omwe omuri abo bakazi owaakubaasize nangwa n'okugira iba ondijo, kwonka iba ogwo omwe akaba naabaasa kugira abakazi rukumi. Ekyo ni OKU NIKWO MUKAMA ARIKUGIRA. Egyo ni Baiburi. Hati ngarukire enyima, naayetwara kandi naabooreka enyima okwo ei kyatandikiire, eki Yesu yaagambire. Hati nimukireeba kurungi? Bakaba nibabaasa kugira baingi nk'oku . . .

72 “Oo,” noogira oti, “ekyo kikaba kiri ekya Israeli.” Oti ki?

Obu Abrahamu yaatwara Saara eifo omu nsi y'Abafilistia, hakaba hariyo omugabe eifo okwo owaabaire naayetwa Abimeleki. Kandi Saara akaba aine emyaka igana, haihi, kwonka akaba ahindwirwe yaagaruka kuba omukazi muto kandi yaahindurwa yaaba murungi. Ekyo nimukimanya? [Abateeraine baagira bat, “Amiina.” -Omur.] Ni kirungi. Kandi Abimeleki yaayenda kutwara Saara kuba omukazi we. Nimwijuka Obutumwa bwangye ahari ekyo? Abimeleki akaba naayenda kutwara Saara kuba omukazi we. Obundi akaba aine ekikaari ekiijiwire abakazi, kwonka akaba atarikubaasa kumutwara ku araabe yaabaire ashweirwe Abrahamu. N'ahabw'ekyo Abrahamu yaagambira Saara, “Ogire ngu ori, 'munyaanyazi,' ahakuba naija kuunyita kugira ngu akutware.” Ahabw'enki atarabingire Abrahamu omu ihanga eryo, haza akatwara omukazi we kandi akagumizamu? Kikaba kitari ekiragiro aha baikiriza bonka, kureka n'omu bantu boona omu bihangirwe. Omusiisi nari orikwera, oine obujunaanizibwa, mushaija 'we, ahabw'ebikorwa ebi. Ngugwo omugabe owaabaire atarikumanya Ruhanga. Nibangahi abarikumanya ngu ekitebyo ekyo kihikire? [“Amiina.”] Ni Baiburi, ekitabo ky'Okutandika, nk'eshuura ya 16, nintekateeka.

73 Nimureeba, Abimeleki akaabaire amutwaire kuba omukazi we. Akeeteekatekyera kutwara egi mpangare nsya y'Omuhreburaayo. Kandi yaagira ati, “Ogu ni . . . wangye.” Saara yaagira ati, “Ni munyaanyazi.”

Yaagira ati, “Ni munyaanyazi.”

Kandi Abimeleki yaagira ati, “Obwo naaza kumutwara abe omukazi wangye.” Noobaasa kuteekateeka omushaija arikukora ekintu nk'ekyo? Kwonka akakikora.

Reero ekyo kiro, ku yaagiire kubyama, Mukama akamubonekyera omu kirooto, kandi yaamugira ati,

"Abimeleki, ori nk'omuntu ofiire." Akaba naarinda ako, ako karande k'eshagama y'Ekiyudaaya omwo, nimureeba. Yaagira ati, "Ori nk'omuntu ofiire. Oine muka ondijo mushaija ou orikwenda kutaasya."

Yaagira ati, "Mukama, noomanya omutima gwangye gw'amazima." Ati, "We tarangambiire ngu ogu ni 'munyaanyazi'? "We wenka taragizire ati ogu ni 'munyaanyazi'?

Yaagira ati, Nimmanya omutima gwawe gw'amazima, ego niyo nshonga eyaatumire ntaikiriza ngu okore ekibi Ahariinye. "Ekyo kihikire? Yaagira ati, Mugarurire omukazi we, ahakuba ogwo mushaija ni nabi Wangye. Kandi ku oraabe otamugaruriire omukazi we . . . Kandi oikirize akushabire, atari munyamurwa waawe. Ku araabe atakushabiire, eihanga ryawe ryona ryahwa." Amiina. Ezo n'embabazi ezirikutangaaza. Kihikire. "Eihanga ryawe ryona ryahwa. Ogwo n'omukazi w'oriya mushaija, kandi ni nabi Wangye." Amiina. Ekyo ni OKU NIKWO MUKAMA ARIKUGIRA. Ekyo n'Ekyahandiikirwe. Kihikire.

74 Hati nitureeba, rufu ekareetwa. Rufu ekareetwa ekibi ky'omukazi, ekarabira omu mukazi kandi atari mushaija. Omu muringo ogu omukazi arikutuuramu amagara ge, kandi okurabira omuriwe, okufa kwona kwija. Omuhanda gw'omukazi gw'okureeteramu amagara ni okufa. Ni bangahi abarikumanya? Yobu 14, ku muraabe nimwenda kuhandiika ekyo Kyahandiikirwe.

Nyine, eki ku muraakibangaaniseho, nyine Ebyahandiikirwe ebi mpandiikire ahabwa buri kimwe omuri ebi.

Ku muraabe nimwenda kushoma Yobu 14 aho, Nikigira kit, "Omuntu ozairwe omukazi amara ebiro bikye, kandi biba biijwire enaku nsha." Ekyo kihikire? "Arabya nk'ekirabyo, atemwa anagwa ahansi, kandi ahwaho," n'ebindi nk'ebyo. Mwareeba? Buri muntu ozaarwa omukazi, azaarirwa omuri rufu ahonaaho yaaheza kwija.

Kwonka ku azaarirwa omu kuhanga kwa Ruhanga, tarikubaasa kufa; arugire aha Muti guriya ogwabaire guri omu Kibanja kya Edeni, Kristo. Amagara Agatahwaho gakaruga ahari ogwo Muti.

"Oo," noogira oti, "omukazi akaba ari omuti?" Buzima. "Mpaho, bakagira ngu, 'Otariry aha muti ogu,'" Omu Kutandika enyima okwo, Ruhanga akagira ati, 'Mutariry aha muti ogu.'"

Ahabw'enki, omukazi n'omuti. We n'omuti gw'ebijuma. Iwe ori ekijuma kya nyoko. Ekijuma kya nyinenda niiwe. Ekyo kihikire. Kandi reero ekijuma ky'Omuti gw'Amagara, ogwabaire guri omu kibanja kya Edeni, ni Kristo. Rufu ekaija okurabira omu mukazi; okurabira omu Mushaija, omu kuhanga okwabandize, Amagara gakaija. Kuzaarwa omukazi ni rufu; kuzaarwa Kristo n'Amagara. Ekiteekateeko mwakitunga? Niho aho. Hati nimureeba ei baaruhanga-kazi baagiire, tikwo?

Adamu na Haawa b'okubanza bakaba nibashushanisa Adamu na Haawa ba kabiri, mwareeba, okukanya. Hati okukanya kwa Adamu na Haawa kukaba kuri okurabira omu kuteerana kw'omushaija n'omukazi, kugaruka kwijuza ensi, kwonka bwa mbere na mbere kikaba kitari kityo. Ruhanga akakora ekishaija n'ekikazi, nk'oku Yaakozire ebihangirwe Bye ebindi, mwareeba, omu buryo bw'amateeka, nk'Ekanisa.

75 Hati reka, obu twine aga Mazima ga Ruhanga agahamiibwe, tweyongyereyo kakye kusherura, ku muraabe nimukunda. [Abateeraine baagira bat, "Amiina." -Omur.] Ni kirungi. Hati eki nikibaasa kushasha kakyeoh okuhitsya obu turaahikye ahaifo aha ntango yaakyo, kwonka naaza kubooreka Amazima gaakyo.

Tihariho omuheereza orikubaasa kushwera omufaakazi. Ekyo mubaire nimukimanya? Ekyo nimwenda kukishoma? Ni kirungi, imwe muze omu by'Abaleevi, ekitabo ky'Abaleevi 21:7 na Ezekiel 44:22, kandi Nikiza kubooreka ku obunyamurwa bwabaire butashemereire kushwera omukazi owaashweirweho ondijo mushaija. Okushushanisa oku n'okw'Omugore oshugaine wa Yesu Kristo, ahabw'okuba bakaba bakwata Omuriro gwa Ruhanga, abanyamurwa nikyo baabaire bakora, batabani ba Arooni. Titwine obwire bw'Okukishoma kyona, kandi n'okrugamu ni shaaha mukaaga, tutsgaize edakiika makumi abiri. Kandi abo ni batabani ba Arooni abaabaire bakwata O-O-Omuriro gwa Ruhanga, n'ahabwekyo bakaba batarikubaasa kushwera omukazi owaabaire yaashweirwe ondijo mushaija. Ruhanga otahinduka nikwo yaagambire. Bakaba batarikubaasa kushwera ondijo mukazi, kandi omukazi owaashweirweho omushaija, kirikworeka hanu omu kushushanisa, ku muraabe nimwenda kukireeba, ngu Ekanisa ya Ruhanga ohuriire n'eschemeire, tefungwire, Ekigambo kya Ruhanga, kandi teri kigombe ky'ediini eki abantu bataireho.

76 Mureebe, ka tushome eki hanu. Niinyenda eki kukibahitsyaho. Matayo 5, Yesu hanu akagamba aha kintu kikuru munonga buzima. Nitwenda kukireeba, Matayo 5. Naahandiikire aha . . . yangye.

Naataire raama aha bintu ebi mbaire ninza kugambira abashaija, n'ahabw'ekyo ntungire obwire bukye kubigambaho omu maisho g'ab'eishe-emwekaza baitu. Kwonka niinyenda ku-kuza aheeru hanu hati ntaka . . .

Hati, ow'eishe-mwekaza, niinyenda kukuta omu mwanya ahu Ekigambo kya Ruhanga kyakuraganiisize, kandi reero orebe ngu waaguma omu mwanya ogwo, naiwe.

Matayo 5:32. Niinyenda ngu mwetegyereze hanu, kushagika eki kiteekateeko nikyo kimwe kya "omwe" na "baingi." Matayo, makumi ashatu- . . . nintekateeka ngu ni Matayo 5:32, kutandika na 31.

Kandi kikagambwa ngu, omuntu weena ku araashende omukazi we, amuhe ebaruha y'okumushenda.

Ogwo ni Yesu orikugamba, Ogwo owaagambire ngu, “bwa mbere na mbere.” Hati mureebe.

Kwonka nyowe nimbagambira nti: Omuntu weena orishenda omukazi we, atamutuzire . . . obushambani, biri aryaba amushambaniise, mwareeba, omuntu weena orishenda omukazi we, atamutuzire . . . kushambana aryaba amushambaniise, (ahabw'enki? naija kugaruka ashwerwe) kandi orishwera ogwo oshenzirwe, biri aryaba ashambaine.

77 Mwareeba, aine iba ohuriire, n'ahabw'ekyo tihariho omushaija orikubaasa kumutaasya. Tindikufayo eki akora n'eki ari, aine iba ohuriire, taine buhamizo bwona na kakye. Kwonka, ekyo tikwo kiri, aha mushaija. “Aryaba amureetereire,” ti mushaija. Mwakitunga? Oshemereire kutuma Ekigambo kyagumizamu kitarikuuhondana. Mwareeba, tihariho ekirikugira ngu omushaija takaabaasa, kwonka omukazi tarikubaasa. Mwareeba, “aryaba amureetereire,” ti mushaija. Ekyo buzima nikyo Baiburi erikugamba, “aryaba amureetereire,” Tihariho ekigambirwe aha mushaija ngu takaataasya ogundi murundi, kureka “omukazi.” Ahabw'enki? Kristo niwe ky'okushushanisa.

Mureebe, kigambre ngu omushaija tarikubaasa kutaasya ogundi murundi, kureka omwishiki oshugaine. Naabaasa kutaasya ogundi murundi. Naabaasa, naabaasa kutaasya ogundi murundi yaaba ari omwishiki oshugaine, kwonka tarikubaasa kutaasya omukazi w'ondijo mushaija. Ngaaha buzima. Kandi ku araataasye omukazi oshenzirwe, naaba atwire omu bushambani, tindikufayo ni mushaija ki. Baiburi ekagira ngu, “orishwera ogwo oshenzirwe, biri aryaba atwire omu bushambani.” Nikyo ekyo, tihariho kushenda.

Mwareeba ekyabandize ekyo enyima okwo, “bwa mbere na mbere,” hati? Okugaruka kushwera nari kushwerwa, hati mureebe, omushaija naabaasa, kwonka omukazi tarikubaasa. Nka Daudi, nka Sulemaani, nk'okugumizamu kwa Baiburi yoona, hati, nikyo kimwe nka Daudi n'abandi.

78 Hati nimureeba omu kitabo ky'Abakorinso y'Okubanza 7:10, mureebe, Paulo naaragiira omukazi oshweirwe, oyangaine akaruga ahari iba, kuguma atashweirwe nari kugarukana na iba, atari okugaruka kushwerwa ogundi murundi. Naateekwa kuguma atashweirwe, nari agarukane na iba. Omukazi tarikubaasa kushwerwa ogundi murundi. Naateekwa kuguma atashweirwe, kwonka, mureebe, tihaine eki yaagambre aha mushaija. Mwareeba, torikubaasa kutuma Ekigambo kyabeiha. “Okuruga omu kutandika” ekiragiro ky'okumanyana omu mubiri kw'omushaija n'omukazi omu kutaasya abakazi baingi. Hati, Ekigambo kya Ruhanga nikiikirizana n'obuhangwa bwa Ruhanga, nikugumizamu kitarikuuhondana.

Mwareeba oku ab'enteekateeka emwe baagiire burugwa-izooba, kandi abandi bakaza burengyerwa-izooba, aharikyo? Nooteekwa kugaruka aha Mazima, kumanya eki kiri.

Kitwire kiri kityo, egyo n'endagaano y'obutoosha na Ruhanga okuruga omu kutandika. Okubanza, bwa mbere na mbere etakabaireho, okuruga omu kutandika hakaba hariho kimwe na kimwe. Ahanyima y'ekibi kutaahamu, obwo hakabaho omushaija omwe n'omuyooro gw'abakazi; okugumizamu batyo omu by'obuhangwa, buri nyamaishwa, kandi n'abantu kandi n'omubiri gw'obuhangwa n'ogw'enyamaishwa. Turi enyamaishwa, ekyo nitukimanya, twena, mwareeba, kandi byona n'obuhangwa bwa Ruhanga oburikugumizamu.

79 Kwonka hati obu Obumanyiso bubambwirwe, Omwoyo w'Amazima naatworekyerera aha Kigambo. Ekyo nikishoboorora ahabw'enki enshobi zonna zaabaireho omu busingye bwona, ahabw'okuba Obumanyiso bukaba butakabambwirwe, Eki kikaba kitakashuurwirwe. N'amazima.

Mureebe, imwe, timurikubaasa kutuma ebicuucu byaremwa. Nk'oku mbabuuriire ekiro kya nyomwebazyo aha kicuucu ekiri omu nju ahansi, nikiteekwa kirugyeo kurungi. Nihabaasa hata kubaho ekicuucu ky'enjojo erikwija nikicwekanisa ahansi omu kishengye, reero akashaija kakye, k'amagara mabi karaingwa kakaba niko akaarugayo nk'enjojo, nari enjojo ekaba akashaija kakye, k'amagara mabi kakye karaingwa?

Hati ku muraakireebe omu kirikushushanisa ekihikire.

Hati, hariho omukazi w'amazima, omukazi w'amazima, oshugaine, oshwerwa iba, kandi otuura, n'ow'omugisha ahari iba. Ruhanga kuri yaabaasize kuha omwana We ekintu ekirikukira omukazi, Akaakimuhaire.

Kwonka omukazi akakorwa kuba ekikozeso ky'ebi'omubonano, kandi tihariho endijo nyamaishwa ekozirwe etyo. Tihariho ekihangirwe kindi omu nsi ekikozirwe kityo. Egyo niyo nshonga murikureeba okutaasya abakazi baingi, n'ahabw'egyo nshonga. Ekyo nikyo kyakureetsiremu.

80 Hati mureebe, omu kushoboorora kw'okuhendera, mureebe, hariho Yesu Kristo omwe (ekyo kihikire?), Omushaija omwe, Ruhanga, Emanueli. Ekyo nimukiikiriza? [Abateeraine baagira bat, “Amiina.” -Omur.] Kwonka engingo z'Omukazi We ni nyinyi, mwareeba, enkumi kuteezamu enkumi n'enkumi (ekyo kihikire?), Omukazi We, Omugore, Ekanisa. Hati nimwetegyereza? [“Amiina.”]

Egyo niyo nshonga eyaatumire Yaagambira Adamu, okumanyana omu by'omubonano kw'omushaija n'omukazi kutakatairweho nari kutareetsirwe, “Mukanye, kugaruka kwijura ensi,” kandi obwo yaabaire akiri omu kutandika, obwo yaabaire ari byombi ekishaija n'ekikazi omuriwe. Aho, obwo nikyoreka ngu Omugore naateekwa kuruga omu Kigambo, omu kukanya kw'omwoyo, okukanya kwingi, mwareeba, kugaruka kwijura ensi.

81 Hati omu kikorwa ky'okumanyana omu by'omubonano kw'omushaija n'omukazi, mwareeba, ab'enteekateeka etarikushushana bajwangire ebyo bintu bibiri. N'ahabw'ekyo torikubaasa kukikora, oshemereire kukigarura aha Mazima gaakyo, "omu kutandika."

Kandi aha muheru haryabaho Mukama Yesu omwe, kandi Omugore We baingi, omwe. Mwakyetegyereza? Hakaba hariho Daudi omwe aha kitebe ky'obukama, omugabe omwe (ori nk'oku omutima gwa Ruhanga Gurikwenda) aine abakazi magana ataano. Yesu ashutami aha kitebe Kye ky'Obukama, haleluya, omu Kutegyeka kwa Kristo kw'emyaka rukumi, ari n'Omukazi; nk'oku kyabaire kiri bwa mbere na mbere, obu yaahangwa okuruga omu itaka, n'omukono gwa Ruhanga ow'Obushoborozi bwona, omu kuzooka, baamemba baingi. Nkikyo aho.

Bakazi 'mwe, murwanire kuba ekyo, mutaahe omuri Kristo, obwo timuraije kuba omu burofa obuzambeire aheeru okwo. Kwonka obwire bwona obu oraabe ori memba w'ekanisa orikugyezaho kutuura amagara g'engyesho nungi marungi, iwe wenka, toribaasa kusingura. N'obu yaakuba omushaija tarikubaasa kusingura aheeru ya Kristo. Nk'oku Paulo yaagumiizemu naagamba, "Kwonka bari omuri Kristo, tihariho omushaija nari omukazi." Boona n'omwe.

82 Kwonka okwihayo n'okutereeza Obushwere N'Okushenda oku, kugira ngu mubaase kumanya ekyo ekihikire n'ekigwire, hati Naatworeka hanu butunu omu birikushushanisa ebi. Hariho Kristo omwe; na baamemba baingi b'ogwo Mukazi. Mwetegyereze, Naabaasa kutubinga ahabw'obushambani bw'omwoyo n'enyegyesa ezigwire, akaire konna aku arikwenda kukikora; kwonka iwe okaayehanga ota kugyezaho kumubinga, haza okabaasa? Omushaija naabaasa kushenda omukazi we kandi akataasya ondijo; kwonka atari omukazi kubinga iba haza akashwerwa ondijo. Nimureeba ebicuucu n'ebirikushushaniriza byona aho nibinganira kimwe? Mureebe ekyahangirwe bwa mbere na mbere; atari ekihirwe omu kindi ahantu hoona. Teri kanisa; Omugore okurabira omu Kigambo. Tari mukazi; omushaija, buri kaire. Niyo nshonga kitarikugamba ekintu kyona kuzibira omushaija kukikora; buri kaire n'omukazi. Nikyo ekyo buzima.

Kwonka omukazi naabaasa kuba Omugore wa Kristo, ya . . . Kandi mwijukye, we ahaw'okuba ari orugingo rw'omushaija, Baiburi ekagira ngu omukazi naabaasa ku- . . . "Ahakuba tindikwikiriza mukazi kubuurira, nari kutegyeka abashaija, kureka agume ahunami. Ahakuba Adamu niwe yaabandize kuhangwa, haakurataho Haawa. Kandi Adamu tiwe yaabeihabeihirwe, kureka ekihirwe omu kindi nikyo kyabeihabeihirwe. Kwonka omukazi aryajunwa ku ariguma omu burikwera n'okwerinda, kandi n'omu kuzaara abaana, n'ebindi nk'ebyo," ahaw'okuba obwo naahinduka orugingo rw'ogu mushaija. Ekyo nikyo ekireeta . . .

83 Ahabw'enki Abrahamu . . . Ahabw'enki Ruhanga ataraitsire Saara ashutami aho honyini, naayehakana, kandi naabeihera omu maisho ga Ruhanga? Ashutami aho nk'Omuntu ofa, naarya enyama, naarya omugaati, naanywa amate, kandi Yaagira ati, "Ahabw'enki Saara yaasheka enyima kuri enyima," enyima Ye, omu ihema, Akaba atakamureebaga, "naagira ati, ebantu ebi nibibaasa kubaho bita'?"

Yaagira ati, "Tinaakigamba!" Ahaa, mugyenzi, kugambira Ruhanga ngu n'omubeihi, omu maisho Ge butunu? Kwonka Akaba atarikubaasa kumwita. Ahabw'enki? We n'orugingo rwa Abrahamu. Amiina. Akaba atarikubaasa kumushasha atashaashize Abrahamu.

Hati imwe bakazi 'mwe mureebe omwanya gwanyu. Kandi Baiburi ekagira ngu, "Imwe bakazi 'mwe mube nk'oku Saara yaabaire ari, owaabaire ayecuma n'ebijwaro birungi, akatuura amagara g'obwesigwa n'amazima ahari iba, naamukunda munonga okuhitsya obu (Abrahamu) Saara yaamwetsire 'mukama,'" we, omutegyeki, mukama w'ekintu.

84 Kandi imwe, bamwe omuriimwe abakazi, mujwara obujwaro obwo oburikwitsya enshoni reero mwija hanu kweyanika omu maisho g'abashaija. Yesu akagira ati, "Orikureeba omukazi akamwetenga, biri aherize kumushambanaho omu mutima gwe." Mbwenu n'oha oine orubanja, omushaija nari iwe? We n'omushaija, ohangirwe kugira ngu abaase kukora eki kikorwa, mwareeba; kandi iwe ori omukazi, oshemereire kwanga.

Kandi ahaw'enki nooyeyanika otyo? Tikugira ngu n'okwenda ogwisibwe gye, noomanya ngu tikyo, obwo ori haihi kwitwa obufuki ahaw'okujwara kaasikaati kagufu munonga. Waareeba, tikikaaba ahaw'okugwisibwa gye. N'ahabw'ekyo niki? Nikikorwa ahaw'okusiisikara! Torikwija kukiikiriza, kwonka nikwo Baiburi erikugira. N'amazima. N'omwoyo mubi ogukurimu. Torikwenda kusiisikara; kwonka torikukyenga ngu, omu mwoyo osiisikaire, ahaw'okuba nooyeyanika nk'osiisikaire.

Hati, omushaija, amaju ge g'emifunya, gakuzire, againe oburofa, kandi yaaba haihi atajwaire engoye na kakye, tihakaabaho entaaniso, omubiri gwe tigurikwosyosya. Ahabw'enki? Akaba ari omu kuhangwa okwabandize, engyesho; nikwo kishemereire kuba, mwareeba. Kwonka, iwe ori ekihirwe omu kindi, kuba eky'okwosyosya.

Ruhanga, gira embabazi! Oo, mugyenzi, ensi egi y'ekibi! Ndyashemererwa byona ku birihwa.

85 Mureebe, Kristo naabaasa kushenda omukazi We akaire konna aku yaakunda, kwonka we tarikubaasa Kumubinga; Naabaasa kunkwata, Naabaasa kunkwata anagye omu mucuucu akaire konna aku yaahurira yayenda, kwonka, oo, ow'eishe-emwe, ni kirungi ntarigyezaho kumunagamu, ebyangye nibiba byahwa.

Sulemaani akaba naabaasa kutaasya omukazi weena owaabaire atashweirwe, akaba naabaasa kutaasya

omukazi weena ou yaabaire naayenda. Omunyamurwa akaba naabaasa kutaasya omukazi oshugaine wenka. Sulemaani . . .

Nka Daudi, akataasya (eiziina rye rikaba riri riiha?) Abigaili. Eki, hakaba hariho omushaija orikwetwa "obushema," akaba aine omukazi murungi, kandi ogwo mushaija yaafa. Kandi Abigaili yaashwerwa Daudi; akaba ari omugabe, atari omunyamurwa, mwareeba, n'ahabw'ekyo aka-akataasya.

Kwonka omunyamurwa akaba atarikubaasa kukikora ekkyo, ahabw'okuba akaba aba yaataasya nari yaatwara omukazi owaabaire ashangirwe ari omukazi w'ondijo mushaija. N'ahabw'ekyo ekkyo nikyoreka okushugaana kw'Ekanisa ya Mukama Yesu Kristo, Omugore naija kuteekwa kuba otafungwire, Ekigambo, hatariho Ekigambo na kimwe ekibuzireho ahantu hoona. Buzima. Noobaasa kwebuuza aha mugore ohikire, eibeere rimwe ritariho, kandi, n'erindi, ekindi kintu kishobire, nimumanya? Ogwo tarikwija kuba Omugore wa Kristo. Ahikiriire. Weena n'Ekigambo, tihariho ahi Ekigambo na kimwe kirikuremwa. Ngaaha.

86 Mwetegyereze, Kristo naabaasa kumubinga, kwonka ekanisa terikubaasa Kumubinga. Akakikora, akakihamy, omu biro obu Luther, Wesley, na Pentekoote, obu baayanga kugumizamu kuba ekicweka Kye omu kukora eby'omubonano by'omwoyo kugira ngu babakyeho enda y'ekicweka ky'Ekigambo ekyongyeirweho. Nimwetegyereza? Ekanga. Ekanisa ya Lutheran ekanga Kristo ngu ataagigiraho kwetenga kwona; Luther akakyanga. Kandi ka mbagambire eki, nimuza kuunyeta ekintu nanka oku biri kwona; buri omwe omuribo nikwo ari ebiro ebi, baremwa kutwara ekkyo Kigambo, banga Kristo!

Kandi omukazi weena orikwangira omushaija omwana we, taine obugabe bw'okuba omukazi we. Amiina. Nimwijuka, omuri Baiburi, obu omugabe yaataasya Esteeri? Ahabw'okuba omwigarire akanga, omugabe akeetungira ondijo. Kandi ku . . . N'enki ekyabaireho omwigarire ku yaayangire kurugayo akaija aha mugabe n'okumworobera? Ekintu nikyo kimwe n'omukazi orikwanga kuba omukazi ahari iba.

87 Kandi ekintu nikyo kimwe n'ekanisa erikwanga kutwekwa omu busingye obu tutwiremu hati, kuzaara abaana b'obusingye obu. Tituri aba Lutheren, tituri aba Wesley, n'obu baakuba Abapentekoote! Nituteekwa kuba abaana b'obusingye obu, okuraba omu kubaka enda y'Ekigambo kya Ruhanga, kuzaara Omwana w'obusingye obu, Omwana Embibo. Amiina. Nyine amatsiko ngu nimwetegyereza. Akanga kutwekwa, ngaaha, n'ahabw'ekyo Akakora ki? Akamubinga, yaamushenda. Ekyo kihikire. Kwonka omukazi we takaayehanga Kumushenda. Akamubinga.

Akagumizamu naashuururuira Omubiri Ekigambo Kye, kandi Naamuhamy, nikyo kimwe, We wenka. Abaana Be baatandika nk'okwetyongyera Kumushushana, ahabw'okuba Nikyeyongyera kukura, nari, nibaba abaana b'Ekigambo, atari abaana b'ekanisa. Abaana b'Ekigambo! Kandi Omugore naija kuba Omukyara mukye oboneire w'Ekigambo, otafungwire, ou ekibiina ky'ediini ky'omuntu kitakakwatahoga, n'ekigunjano kyona ky'omuntu. Naija kuba atafungwire, Omugore w'Ekigambo! Amiina kandi amiina! Niinyesiga ngu ekkyo mwakitunga, aheeru aha masimu. Naija kuba omwishiki otwekirwe wa Ruhanga.

88 Nimureeba oku omukazi arikubaasa kuba ow'ekitiinwa? Nimureeba oku ekanisa erikubaasa kuba ekintu kikuru munonga, kwonka nimureeba ahu oburofa bugihikize? Reero kugyezaho kugyeranisa egoo kanisa aheeru okwo n'egi Kanisa hanu, torikubaasa kukikora. Kandi kugyezeho kugyeranisa maraaya w'aha ruguuto n'Ekanisa ya Ruhanga ohuriire; nari omukazi, omukazi ohikire, na maraaya?

Ahabw'enki hariho ebintu nk'ebyo? N'ekiragiyo kya Ruhanga, ekiragiyo ky'okugyerageranisa. Turyamanya tutu kushemerererwa nyomushana ku haakubaire hatariho nyekiro? Turyamanya tutu kushemerererwa obunaku bw'ekyanda ku haakubaire hatariho obunaku bw'enjura? Tukaabaasa tutu kushemerererwa n'okuha ekitiinisa omukazi muzima, ku haakubaire hatariho osiisikaire?

89 Akagumizamu Naakishuuura, naashuurura Ekigambo Kye, kwonka hagire omwe omuriitwe owaayehanga kugyezaho Kumubinga n'okushwerwa ondijo mushaija.

Hati buzima nikyeyoreka butunu ahawb'enki ab'enteekateeka ezo ibiri boona bagwire. Torikubaasa kutuma kyatoora kunu, kigyzire; waakitoza kuri, nikigyenda kiraba aha kuragaanisibwa. Hanu niho okuragaanisibwa kuri, hanu niho kiri hanu hanu. Ekigambo tikirikwehakanisa. Nikiteekwa kuguma nikigumizamu hati, nk'oku Matayo 28:19 etarikuhanisa Ebyakozirwe 2:38.

Hati, bamwe omuriimwe abakazi, bamwe omuriimwe abashaija, ni-nimmanya ngu ti-timurikwikirizana Nakyo. Habw'okuba, nimumanya, ekkyo timurikubaasa kukishereka hati. Timurikubaasa.

Kwonka ka mboorekye ekintu. Matayo 28:19 ku eraabe yaagambire eti, "N'ahabw'ekyo mugyende, mwegyes amahanga goona, nimubabatiza omu Iziina rya Ishebona, n'ery'Omwan, n'ery'Omwoyo Orikwera," kandi baahinduka, kandi buri muttu weena oraabatizibweho akabatizibwa omu muringo oguhindukire ahari ekkyo, bakabatizibwa omu Iziina Rya Yesu Kristo, nangwa n'okuraba omu busingye bwa Baiburi bwona kandi n'okumara emyaka magana ashatu ahanyima y'obusingye bwa Baiburi, okuhika aha Rukiiko rwa Niika. Bakatwara enyegyesa z'ebigunjano omu mwanya gwakyo. Entaaniso n'eha, kyaba kitashuurwirwe?

90 Murakimanyire ku Ekitabo kyona, Baiburi yoona, eri okushuuruirwa? Okwo nikwo oshemereire kumanya

entaaaniso ahagati y'amazima aga hamwe na gari, n'ahabw'okuba Ekyo n'okushuuuruurirwa. Kandi okushuuuruurirwa nikuteekwa kuba hamwe n'Ekigambo buzima, kutari okuhakanisa Ekigambo. Noogira oti, "Mpaho, nyowe, nkakishuuuruurirwa." Kwonka ku kiraabe nikihakanisa Ekigambo, tikirarugire ahari Ruhanga. Ekyo kihikire.

Hati ku muraabe nimwenda kukwata Mat- . . . Matayo 16:18. Yesu akagira ati, We wenka, ngu Ekanisa yonna, Ekanisa Ye, ekaba neija kwombekwa aha kushuuuruurirwa Kwe wenyini, nikyo Kigambo. "Kandi ninkugambira nti, ori Petero . . . Kandi omubiri n'eshagama tibyo byakushuuuruurira ekyo, kureka Tata ori omu Iguru niwe yaabikushuuuruurira. Kandi aha rukiri oru . . .

Hati, nimmanya, banywani baitu okwo Abakatoriki, nimugira muti, "Ekombekwa ahari Petero, kandi Petero egyo ntumwa, n'ahabw'ekyo, Nanka na nanka, omu muringo gw'okwikirizana gw'okuhungurirana kw'entumwa."

Abapurotesitante bakagira bati, "Ekombekwa ahari Yesu Kristo."

Kutari kwenda kuba ow'omutaano, kureka kutwara eki Yaagambire! Akagira ati, "Omubiri n'eshagama tibyo byakushuuuruurira eki, kureka Tata ori omu Iguru niwe yaabikushuuuruurira. Kandi aha rukiri oru, okushuuuruurirwa eki Ekigambo kiri kw'omwoyo, Ndyayombekaho Ekanisa Yangye; kandi n'amareombo g'okuzimu tigaribaasa Kuginaga ahansi." Omukazi We taritegwa ondiijo mushaija weena. "Ndyayombekaho Ekanisa Yangye, kandi n'amareombo g'okuzimu tigaribaasa Kugitengyetsa."

91 Kandi Abeeli na Kaini, omu kibanja kya Edeni. Kaini akatunga ekiteekateeko kye, yaagira ati, "Hati, reeba, Ruhanga ni Ruhanga murungi. Ari omu bihangirwe byona, n'ahabw'ekyo niinyija kureeta ebihimba n'ebitakuri, kandi niinyija ku-kureeta ebimuri, reero niinyija Kumukorera eitambiro rirungi." Egyo n'ekanisa. Akatsimba amaju. Akaikiriza Ruhanga. Akaramya Ruhanga, yaimutsya emikono ye, kandi yaahayo eki kitambo. Akakora buri kintu ky'ediini eki Abeeli yaakozire.

Abeeli akombeka eitambiro eririkurishusha. Kwonka Abeeli ku yaareetsire ekye, akareeta omwana gw'entaama. Hati, Kaini akateekateeka ngu, akaba naakora ekirikwhaho ekibi, ngu ishe na nyina nibateekwa kuba baariire ekijuma, nk'oku baayegyesiibwe omuri ekyo kibanja. Kwonka Abeeli, ahabwa Ruhanga kumushuuuruurira, akamanya ngu ekaba eri eshagama eyaakireetsireho. Ahabw'okushuuuruurira Ruhanga! Kandi omuri Baiburi omu kitabo ky'Abaheburaayo, eshuura ya 12, eshuura ya 11, ekagira, ngu "Abeeli, ahabw'okwikiriza, okushuuuruurirwa, akahayo ekitambo ekirikusiimwa ahari Ruhanga okukira ekyo Kaini, nikyo Ruhanga yaamuhamiize ngu ahikiriire." Ekyo kihikire? [Abateeraine baagira bati, "Amiina." -Omur.] Amiina! Ow'eishe-emwe, ow'eishe-emwekazi, nikireebekyera kimwe nk'oku kirikubaasa, ahariinye. Nkikyo ekintu kyona.

92 Hati ahaky'Obushwere N'Okushenda, mwareeba, kishemereire kushuuuruurwa. Kyaba kitashuurwirwe, torikukimanya. Kwonka Akaragaanisa omu biro ebi eby'aha muheru, omu busingye obu, ngu buri mubonano ogusherekirwe omuri Baiburi niguda kushuuuruurwa. Ni bangahi abarikukimanya? Okushuuuruurwa, eshuura ya 10! Yesu akakiragaanisa, ngu ezi naama zonna ezisherekirwe aha-aha Bushwere N'Okushenda, enaama ezi zonna ezindi ezitwireho, niziza kushuuuruurwa omu bwire bw'aha muheru. Hati nimwijuka, Eiraka rikagira riti, "Gyenda Tucson." Mwijukeye Omushana ogutarkwetegyerezibwa omu kaabunga; Maraika wa mushanju ayemereireyo; kugaruka, kandi n'okubambuura Obumanyiso Mushanju? Mureebe ekyabaireho. Ekyo n'amazima.

Hati okwetyongyerayo kakye. Kwonka hati imwe, muhurile! Nimmanya ngu obwire bwanyu bw'okuza kurya buri haihi kuhika, kwonka ndiyo nindya kurungi. [Abateeraine baagira bati, "Amiina." -Omur.]

93 Mwetegyereze, hati, omukazi aine omwanya gwe, kandi n'eihunde. Sulemaani, omushaija ogu owaabaire aine abakazi omutwaro . . . nari akaba aine abakazi rukumi, nimanyisa, akagira ngu, "Omushaija oboine omukazi w'okushwera, aba aboine ekintu kirungi." Akagira ati, "Omukazi murungi n'eihunde omu kirunga kye," ekyo n'ekitiinisa. Kwonka otahikiriire n'amaizi omu shagama ye, "ago n'amagara ge. Akagira ati, "Omuri rukumi nihabaasa kubamu omushaija omwe ohikiriire," eki nikwo Sulemaani yaakigambire, "kwonka," ati, "omuri rukumi torikubaasa kushangamu omukazi omwe ohikiriire." Sulemaani ekyo akakigamba, mwareeba. Hati mwetegyereze ekyo, ekyo oku kiri.

Kwonka, nooreeba, mukazi 'we, ori-ori eihunde waaba nooyenda kuba eihunde, kwonka okwetenga kwine kuruga ahariiwe. Kandi nooreeba ahabw'enki Obushwere N'Okushenda kwabaireho, oku Yesu yaagambireho enyima kuri, n'ahabw'okuba orikukushushana naiwe niwe owaareetsireho ekibi kyona. Egyo niyo nshonga okutaasya abakazi baingi n'okushenda, n'ebintu, byareetsirwemu. Bwa mbere na mbere tikwo kyabaire kiri, kandi tikwo kiriba omu nsi ya seeri.

94 Mureebe Yakobo, ou baatatenkuru baakomookireho. Akaba aine abakazi baingi. Akataasya abarumuna babiri, kandi oihireho abo akaba aine abakazi b'ebinyanshunju, abakazi b'obutoosha abu yaabaire atuura nabo. Kandi baatatenkuru abo bakazaarwa abo bakazi b'ebinyanshunju. Ekyo kihikire? [Abateeraine baagira bati, "Amiina." -Omur.] Mwareeba, oshemereire kutuma Ekigambo kyakuratana gye.

Oo, nyine empapura nydingi aharibo. Omunyadiini ku yaakumbuza aharikyo, kandi tukabugana, tukaakigambaho. Kwonka buzima, ku yaakuba ari ow'omwoyo, akaabaasa kureeba hanu ku ari Amazima. Tihariho Kukibangaanisaho.

Omukazi murungi n'ekintu kirungi. Ekyo ninkimanya. Ekyo ninkimanya aha bakazi nyeikazi. Mbugaine abakazi nyeikazi b'amazima, abari abakazi buzima nk'omushaija weena oraabaireho.

Omukazi ni ekiihirwe omu kindi kandi orugingo rw'omushaija, kandi omu kugwa omushaija akahurikiza omukazi. Aka . . . Omukazi n'orugingo rwe. Kwonka, kiri aha mukazi, akahangwa kugira ngu abaase kusiisikara, kandi ahairwe obugabe bw'okwanga nari kwikiriza. Ekyo nikihakanisa obuhangwa obwabandize omu kutandika, mwareeba, knownka nkikyo aho.

95 Hati ni shaaha mukaaga z'eihangwe, n'ahabw'ekyo niinyija kuguruka bimwe hanu ahabw'edakiika nkye. Niinyenda kubabuuza ekintu.

Hati, mwijukye, eki ninkigambira ekibiina kyangye kyonka. Kandi aheeru okwo aha bahurikiize, eki ninkigambira abakuratsi bangye bonka. Obutumwa obu n'obwabo bonka, n'eki naaza kugamba hanu.

Omuheereza weena, we, ekyo n'ekye, yee, n'omuriisa w'obusyo, ka akore eki arikwenda. Ekyo kiri ahagati ye na Ruhanga. Omusaserdooti weena, omubuurizi weena, ekyo kiri ahariiwe, ow'eishe-emwe mugyenzi wangye.

Eki ninkigambira hanu omuri Jeffersonville, omwanya gwonka ogu naakubaasa kukigambiram, n'ahabw'okuba n'obusyo bwangye. N'obusyo obu Omwoyo Orikwera yaampaire kwetegyereza kuba omureeberezi waabwo, kandi Aryabunjunaana. Kandi abantu bangye aba n'abaahindukire hanu okuruga omu ihanga ryona, abu naareetsire ahari Kristo. Kandi, baana bato, ndi hanu kubayamba, kandi ndi munywani waanyu. Nimubaasa kuteekateeka ngu nimbagambaho kubi; ningamba eki, mwareeba, ahabw'oburungi bwanyu. Nimbakunda. Kandi ekyo ku kiraabe kitari kityo, Ruhanga niwe Muramuzi wangye. Nimumanya ku ndikubakunda.

96 Eki n'ekintu ekigumire munonga, mbaire ntarikumanya oku nshemereire kukireeta. Ninja kukora ki, kandi obwo nyine abashaija n'abakazi abashutami omu bashomi bangye, bamwe omuribo bakashwera nari bakashwerwa kabiri nari kashatu? Abashaija barungi n'abakazi barungi, boona n'orujwangye! N'enki ekyakireetsire? Okwegyesibwa kwebishuba, buzima, okutategyereza Mukama.

“Eki Ruhanga ateeraine hamwe, omuntu atarikitaanisa.” Atari eki omuntu ateeraine; eki “Ruhanga” yaateeraine hamwe! Waaba otungire okushuuuirirwa kurugira kimwe ahari Ruhanga, ogwo n'omukazi waawe, kandi ekintu nikyo kimwe, ogwo n'owaawe, ebiro by'amagara gaawe goona. Mwareeba? Kwonka eki omuntu ateerana hamwe, omuntu weena naabaasa kukitaanisa. Kwonka eki Ruhanga ateeraine hamwe, hatagira omuntu owaayehanga kukikwataho. “Ekintu kyona eki Ruhanga ateerana hamwe,” nikwo Yaagambire, “omuntu atarikitaanisa.” Atari eki omuramuzi osinzire orushamushamu nari ekindi kintu kiteeraine hamwe, nari eki omubuurizi owaagwire oine enyegyesa omu kitabo, orikubaasa kubaikiriza kukora ekintu kyona omu nsi, kandi obwo Ekigambo kya Ruhanga kiri aho. Mwareeba? Ningamba aha ki Ruhanga yaateeraine hamwe.

97 Hati naaza kubagambira eki. Niinyegyendesereza eki ndikubagambira. Tingyendereire kubashambirira imwe bantu 'mwe. Tingyendereire kubashambirira, ab'eishe-emwe abariisa bagyenzi bangye. Ekyo tiko ngyendereire. Kwonka nyine obujunaanizibwa, nimmanya ngu obu bumpairwe. Kandi ku . . . tindikubaasa Kubugumya. Tindikumanya oku Naakubuha, kandi nimmanya ngu orutambi rw'amaraka oru niruza kukikora. Oo, mugyenzi, niinyija kweteekateeka, ofiisi eigwire, 'habw'okuba nkiki kyajia. Mwareeba?

Nk'oku kyabaire aha Ruzaaro Rw'Enjoka, knownka kihamiibwe kyarimwe ku gari amazima. Nyine empapura hanu, ezihiirwe omu ihurile, ahu abakazi hati hati . . . kandi nangwa n'omu-n'omu mpango . . . Bumwe aha bureeberezi bwine ebishushani ebyabandize, enjoka neeyekurura aha kuguru kw'omukazi, kandi n'oku erikumwetooroora; aine okucamukirira kw'emiringo yoona n'ebintu, ekintu eki omushaija atarikubaasa kumukwataho nakyo, n'enjoka mpango egi erikumwezingiriraho, n'ebindi nk'ebyo. Ago n'amazima gonyini. Kandi nikyeyongyera kuba kubi munonga, kandi nikijja kuba kubi munonga. Enjoka, akaba atari njoka, akaba atarikubaasa kukora eby'omubonano n'omukazi obu yaabaire ari enjoka, knownka mwijukye . . .

98 Nkaba ninteera empaka eizooba riri n'o . . . ti kuteera empaka, kureka omuheereza wa Assembly of God kandi ou ndikukwatanisa nawe, akagira ati, “Ogwire, ahari Ekyo.”

Naagira nti, “Mpaho, obundi nkaaba ngwire. Niinyenda ngu ongambire.”

Reero obwo yaagira ati, yaagumizamu kandi yaatandika kukigambaho. Ekintu ky'okubanza noomanya, we wenka akabura. Kandi ekintu kimwe eki yaaagambire, akagira ati, “Ow'eishe-emwe Branham, eri nkahi? Ruhanga akagira ngu 'buri kintu omu muringo gwakyo.' Hati enyamaishwa ego eri nkahi ei waagambire ngu eri rwagati y'omuntu n'enyamaishwa, ei saayansa etarikubaasa kubona hati? Eri nkahi?” Yaagira ati, “Eri omu nsi? Ekaba eri empundu?”

“Ngaaha, ahabw'okuba eshagama y'empundu terikubaasa kujwangana n'omukazi, tihariho nyamaishwa n'emwe erikubaasa kujwanga n'omukazi. Ngaaha, teerikubaasa, n'obu kwakuba entanga y'omushaija kujwanga n'ey'enyamaishwa. Teerikubaasa.”

“Reero shi ego nyamaishwa eri nkahi? Hati, Ruhanga akagira ati, 'Reka buri kintu kizaare omu muringo gwakyo.'”

Nkategyereza kumara edakiika. Reero oburungi bw'Omwoyo Orikwera bwagira buti, "Mugambire ngu, 'Eri hanu,"

Hati, okubanza nkagira nti, "Mpaho, neebaasa kuba etakiriho."

Yaagira ati, "Kwonka, Ow'eishe-emwe Branham, ekyo, nitugamba aha Kigambo, tikwo?

Naagira nti, "Eego, sebo." Kandi naagira nti, "Bo, hatariho kubanganisa, bagira ngu ebindi bintu, nk'ebikooko bihango ebitakibaho n'e-n'enjojo rutaaba ezitakibaho, n'ebindi nk'ebyo, enjojo rutaaba, enjojo rutaaba, nimmanyisa, tibikibaho, n'ebindi nk'ebyo." Naagira nti, "Neebaasa kuba yaabaire eri ekyo."

Yaagira ati, "Ow'eishe-emwe Branham, nitugamba aha buhame bw'Ekigambo kya Ruhanga. Ekibi ku kiraabe kiri hanu; obwo, ekibi ekyabandize, nayo eshemereire kuba eri hanu."

Kandi naagira nti, "Mukama Yesu, Okagira ngu, "Mutaryemereza emitima aha bi murgamba ku muryaija omu maisho g'abantu, ahakuba muryabiheebwa omu shaaha egoy." Mukama, ngambe ki?" Yaagira ati, "Mugambire oti, 'Eri hanu." Omuringo nigwo gumwe nk'oku ndeeba okworekwa aha kituuti.

Naagira nti, "Eri hanu," ntarikumanya ni nkahi.

Yaabuuza ati, "Nkahi?"

Kandi nangwa ntakabaasize n'okuteekateeka, Yaagira ati, "N'enjoka."

99 Ekyo buzima nikyo yaabaire eri, ahakuba tekiri nyamaishwa. Ekakyeenwa yaaragiirwa kugyendesa enda ebiro by'amagara gaayo goona. Eri hanu. Ekyo kihikire? [Abateeraine baagira bat, "Amiina." -Omur.] Kandi ekiri omuri ekyo kikorwa nikyo kimwe eki yaakozire, ebikorwa by'ekibi nibyo bimwe bikyetooroire omukazi, nk'okuteerana n'omushaija omu by'omubonano nka batyo. Aho niho omukazi amyorera amaisho nka maraaya n'ebindi, ku aba naayehuramu obunyubwizi oburikukirira hare munonga obu omushaija weena yaakubaasa kugira.

Naaza kwemerera aho ahabw'okuba turi omu ruteerane orurimu abashaija n'abakazi. Niinyija kweta abashaija, ni . . . nitwija kukigambaho okukiraho. Nyine empapura zonna n'ebintu ebiri hanu, aha mukono gwangye gwa buryo hati, kandi mbaire niinyenda kubibareetera akasheeshe aka. Mbaire ninza kumara eizooba ryona ahari eki, kwonka naaza kugamba eki mare.

100 Eki n'eky'ekanisa yangye yonka. Ti kanisa yangye . . . Obusyo bukye oburikuunyikiriza kandi oburikunkurata, eki n'eky'abo.

Ekiro kiriya, ndikumanya ngu ku ndabagambire ekintu kyona, nikiteekwa kwija kiri OKU NIKWO MUKAMA ARIKUGIRA, reero nkaba nyine Ebyahandiikirwe nk'oku Abinshuururira. Kwonka, "Mukama Ruhanga, ngambire ki abateeraine abo? Niinyija kureetera abantu kutaana. Abashaija nibaija kuba bashutami omu mwanya gw'ahaiguru omu kishengye n'omu kibuga aheeru, n'ahandi hoona, 'Omukazi mutsigyeho?' Abakazi, 'Ibanye mutsigyeho?' Niinyija kukora ki?" Naagira nti, "Mukama, nkore ki?"

Ekintu kyangambira kiti, "Inamuka aha rushozi, Niinyija kugamba naiwe."

Kandi obu mbaire ndi eruguru aha rushozi, ntarikumanya ngu eifo omuri Tucson babaire Nibakireeba. Nangwa n'abashomesa beetsire abaana okuruga . . . muhara wangye muto n'abo, okuruga omu kishengye ky'eishomero, reero bat, "Mureebe seeri aha rushozi! Hariyo Kicu nk'eky'omuriro ekirikushusha nk'omuringa ogweziibwe nikitemba ahaiguru omu mwanya kandi nikigaruka nikishuumma ahansi, nikitemba ahaiguru omu mwanya kandi nikigaruka nikishuumma ahansi."

101 Muky. Evans, ori hanu? Ronnie, ori hanu? Nkashuumma naagaruka aha kitensheni, omutsigazi ogu aha kitensheni ky'amajuta, aha kitensheni ky'amajuta ky'aba Evans okwo. Kandi ntakamanyire eki ogwo mutsigazi yaabaire naaza kugamba, akantangaaza, yaagira ati, "Ow'eishe-emwe Branham, obaire ori seeri eruguru aha rushozi, tikwo?"

Naagira nti, "Noomanyisa ki, Roonie? Ngaaha," mwareeba, kugira ngu ndeebe eki abaire naaza kukora. Emirundi mingi ebintu bibaho, timbingambira, tobigambira abantu. Kika . . . Oku kiri, nooreeba bingi nibibaho, biba eby'obutoosha. Mwareeba? Tingambira abantu. Naagira nti, "Ronnie, obaire no . . ."

Yaagira ati, "Nimbaasa kukworeka ahi obaire ori honyini." Ati, "Naayetsire maawe, kandi twayemerera hanu reero twahanga amaisho ekyo Kicu nikireereeta ahaiguru seeri, nikitemba nikishuumma. Naagira nti, 'Naateekwa kuba ari Ow'eishe-emwe Branham oshutami eruguru okwo. Ogwo ni Ruhanga orikugamba nawe.'"

Kandi orurembo rwona, abantu, Bakakireeba. Nyomushana hatariho bieu byona na kakye, n'eki Kicu kihango ekirikushusha omuringa ogweziibwe nikireereeterayo; nikishuumma ahansi nk'omutaho, kandi kigarukayo reero kyejanjamura.

102 Banywani, reero nimpendera, nimubaasa kugyenda ahanyima y'eki. Obwo nibwo mbaire ninshuururirwa

Eki, eki ndikuza kubagambira hati hati, n'ahabw'ekyo mutakifeerwa.

Hati ningambira abakuratsi baitu bonka, abarikunkuratira n'Obutumwa obu bonka, tiburi obw'ab'aheeru. Eki mube baakareebi bangye omu maisho ga Ruhanga. N'eky'ekibiina eki kyonka!

Hati turi omu ruzambiira oru ahawb'okushoboorora kubi kw'enyegyesa z'amadiini. Ekyo kihikire? Egyo niyo nshonga imwe bakazi 'mwe mwashweirwe omurundi gwa kabiri, naimwe bashaija 'mwe, ahawb'okushoboorora kubi kw'enyegyesa z'amadiini. Hati niinyenda kubooreka ekintu eki Yangambiire.

Kandi Ruhanga, omuhangi waitu, ku araabe yaabuuiziibwe ekyo kibuuzo obu yaabaire ari hanu omu nsi, Yesu Kristo; kandi nabi We orikucungura ku yaizire, Musa, eifo omuri Misri, kwiha abaana omuri-omuri Misri, kubata omu nsi eyaaragaanisiibwe; kandi Yesu akagamba hanu ngu Musa akareebaabantu bari omu mbeera egi, reero yaabaikiriza kuhandiika ebaruha y'okushenda, ahawb'okuba embeera ekaba eri nk'oku yaabaire eri. Musa akabugana nk'ekyo, nka, "Amurekye . . ." Ruhanga akaikiriza Musa, ogwo nabi otumirwe aha bantu, kubaikiriza kuhandiika ebaruha y'okushenda.

103 Kandi omu kitabo ky'Abakorinso ky'Okubanza, eshuura ya-ya 7, omushororongo gwa 12 n'ogwa 15, omuri nabi w'Endagaano Ensyia, Paulo, owaabugaine ekintu nikyo kimwe omu kanisa, kandi akagamba kinu, "Ogu niinye, tari Mukama." Ekyo kihikire? Ahawb'embeera y'okushenda.

"Bwa mbere na mbere tikwo kyabaire kiri." Kwonka Musa akaheebwa orusa, kandi Ruhanga yaagumya okuhikiirira kwakyo. Kandi Paulo nawe akaba aine obugabe, ku yaashangire ekanisa ye eri omu mbeera egoy.

Hati nimwikiriza ku Aga gari amazima, kandi nimwikiriza ku Garugire ahari Ruhanga! Kandi ahawb'okuhamibwa EKICU Kye n'Obutumwa Bwe obundeetsire bukampitsya aha, Ruhanga aha rushozi abaire atashemereire kumpa orusa rw'okukora ekintu nikyo kimwe, kubaikiriza ngu mugumizemu nk'oku muri, kandi mutarikikora bundi! Mugyende n'abakazi baanyu kandi mutuure n'obusingye, ahakuba obwire buhweireyo. Okwija kwa Mukama kuri haihi. Titwine obwire bw'okushoboorora ebintu ebi. Mutaryehanga kugyezaho kukikora ogundi murundi! Ningambira ekanisa yangye yonka. Kwonka ku oraabe oshweire nari oshweirwe . . . Kandi ahari ekyo Ruhanga abaire kareebi wangye, aha rushozi, okuhitsya obu ndikubaasa kugamba Eki, okushuururirwa okurengire eby'obuhangwa, ahawb'okubamburwa kw'Obumanyiso Mushanju, kandi eki n'ekibuuzo ekiri omu Kigambo kya Ruhanga. "Ka bagumizemu nk'oku bari, batarigaruka kushiisha ogundi murundi!"

104 "Bwa mbere na mbere tikwo kyabaire kiri." Ekyo kihikire, tikwo kyabaire kiri, kandi tikwo kiriba aha muheru. Kwonka omu mbeera z'eriyenda, nk'omuheereza wa Ruhanga . . . tindikwija kweyeta nabi We; kwonka niinyikiriza obundi, ku ndaabe ntatumirwe ahawb'ekyo, nimuteeraho omusingye ku araije. N'ahabw'ekyo omu mbeera z'eriyenda, ninkuragiira kutaaha omu ka yaawe, n'omukazi waawe hati. Omukazi waawe ku araabe naakushemeza, tuura nawe, okuze abaana baawe omu kutiina Ruhanga. Kwonka Ruhanga akugirire embabazi ku orikikora ogundi murundi! Mwegyese abaana baanyu okutarikora ekintu nk'ekyo, oboororere omu kutiina Ruhanga. Kandi hati obu muri nk'oku muri, hati ka tuyende, omu bwire obuhweireyo bw'omwabazyo obu tutwiremu, reero "twezirikye okuhika aharikuhakanirwa omu kwetwa kwa Kristo," ahu ebintu byona birikubaasika.

Okuhitsya obu ndaabareebe ogu mwabazyo, Mukama Ruhanga abahe omugisha, obwo turiyo nitushaba.

105 Mukama Ruhanga, Nitukusiima. Nitukuhimbisa. Okiri Yehova mukuru owaikiriize Musa. Musa, ogwo muheereza Waawe, baitu akaba naaza kugambira ki abantu be? Kandi, Ruhanga, Okamwikiriza kuha ebaruha y'okushenda. Paulo, egyo ntumwa nkuru eyaahandiikire Endagaano Nsya, nk'oku Musa yaabaire ari aha ya Ira. Musa akahandiika Ebiragiro n'obusingye bw'ebiragiro. Baanabi baangi, ebigambo byabo Bakabitaasyamu, kwonka Musa niwe owaahandiikire Ebiragiro. Kandi Okamuha orusa kuhandiika, kubaha ebaruha y'okushenda, ahawb'obugangaazi bw'emitima yaabo.

Orikwera mukuru Paulo, ahawb'okuba omuhandiiki w'Endagaano Nsya, nawe akaba naabaasa kuhamisiriza, ngu, "Ningambira omu mbeera ezi; nyowe atari Mukama."

106 Nikwo kiri n'eriizooba, Mukama Ruhanga, aha muheru gw'ensi, obu turi hanu ahansi y'embabazi za Ruhanga, nitumanya ngu juba turi ab'okwetonganaho omu maisho Ge. Kandi Okozire bingi, Mukama, nimpamya, omu maisho g'abantu aba, Eki nibajja Kukiramatiraho nk'ekirikuruga Ahariiwe. Kandi n'okuhanya hanu eriizooba, abantu baangi abashutami hanu nangwa n'abaareebire ako Kamanyiso eruguru aha rushozi, ei Baamaraiaka ba Mukama baiziire omu kasooroora, ahu kyaiziire omuri Baamaraiaka mushanju, ahu okushuurura kw'Enaama Mushanju kwayorekirwe; kandi na Maraika ogwo niwe omwe, omu mwanya nigwo gumwe, aha rushozi nirwo rumwe, eizooba obu Eki kyashuururwa!

Ruhanga, ninshaba ngu abantu bataahe baijwire okusiima ahawb'okuba Ruhanga abahaire ezi mbabazi. Nkigambre, Mukama, ahanyima y'okuheebwa orusa. Kandi Ninkigamba kwonka ahawb'okuheebwa orusa, Mukama. Kandi k'abantu babe n'okusiima batarigyezaho kukora ekyo kibi ogundi murundi! Kandi ninshaba ngu batarigyezaho kukora ekibi kyona, kureka Bakukunde n'emitima yaabo yoona. Mukama reetera amaka aga kushemererwa, kandi ka bakure kandi boorore abaana baabo omu kutiina Ruhanga.

107 Ahakuba, Obutumwa bwangye obubaire buri aha mutima gwangye bwaheebwa, Mukama. Nkozire kyona eki ndikumanya kukora. Kandi Sitaane andwanisize saabiiti nyingi, n'eshaaha nyingi hatariho kugwejengyera. Kwonka hati Ninkiragiira, Mukama, aha bantu aba, ngu Bakishome, kandi bagyende batuure amagara g'engiri. Kikore, Mukama. Kyaruga aha mabega gangye hati. Bari omu mikono Yaawe. Ninshaba ngu Obahe omugisha.

Heereza omugisha ebitambara ebi, Mukama, ebiteirwe hanu, ahabw'abarwaire n'abarikubonabonesibwa. Ka ekiro eki kibe ekirikukirayo, ky'amaani omu biro, abantu boona bakire. Kikore, Mukama. Tuhe omugisha hamwe.

108 Ka tuygende n'obusingye, tushemereirwe kandi nitwesiima, ahabw'okuba Ruhanga w'ebihangirwe atworekire "okuruga omu kutandika," kandi yaatuhitsyaho, omu ruzambiira oru turimu, embabazi Ze ogundi murundi, omu biro by'aha muheru ebi. Ai Ruhanga Omukuru kandi Otahwaho, ka Nitukusiima ahabwakyo! Kandi ka emitima yaitu eshemererwe munonga, okuhitsya obu tutarigaruka kutunga ekindi kyetengo ky'okukora ekibi Ahariiwe. Omu Iziina rya Yesu. Amiina.

Nimukunda, (ahabw'enki Otarikumukunda?) Nimukunda Ahabw'okuba akabanza kunkunda

Kandi yaagura okujunwa kwangye

Aha musharaba . . .

Ninkigamba hati kugira ngu abaheereza beetegyereze. Obu n'obw'abo abarikukuratira Obutumwa obu bonka!

Oo, mushemereirwe? [Abateeraine baagira bati, "Amiina."] Naabagambira Amazima, OKU NIKWO MUKAMA ARIKUGIRA, okuruga aha kutandika okuhika aha muheru! ["Amiina!"]

Hati ka twemerere kandi twimutsye emikono yaitu, obwo turiyo nitukyeshongora ogundi murundi, "Nimukunda." Nimukunda ahabw'embabazi Ze. Nimukunda ahabw'okusaasira Kwe. Nimukunda ahabw'Ekigambo Kye. "Kandi Ekigambo kya Mukama kikaija ahari baanabi!" Nimukunda.

Ija, ow'eishe-emwe. [Ow'eishe-emwe Branham yaayeta omuntu kwija kusiibuura abateeraine -Omur.]



www.messagehub.info

Obutumwa obu bukabuurirwa
William Marrion Branham
"... omu biro by'eiraka ..." Kush 10:7